

# *U THUBA KHORO DZA SWINA*

 Ndi matsheloni avhuđi, muňwe na muňwe. Nahone ro takala u dovha u vhuya hafhu ano matsheloni fhano thaberenakeleni, u rabelela vhatu vha lwalaho ñamusi. Ndi, kanzhi, ri tshi lingedza u dzhena ngomu, tshifhinga tshothe, huno—huno ra rabelela vhatu vha no dzhena u bva fhethu ho fhambanaho, u itela thabelo.

Huno ri do vha ri tshi khou bva hu si kale, zwino, u itela mučangano wa California na West Coast. Huno ri vha ḥodaho thabelo dzanu, uri Mudzimu wa Ṭadulu u do vha wa khathutshelo kha riñe heneffo nahone a ri fha tshumelo khulwane.

Ndi kha di tou bva u dzhena, mulovha, kana madekwe, kha ndi ralo, vhusiku-kati. Huno mulovha ho vha hu... Zwo ralo, mbamulovha, na mulovha, lo vha liňwe la mađuvha mahulu a vhutshilo hanga. Heneffo, ndi divha vhatu vhabhili, kana vhararu, kha tshifhađo vhe vha vha thanzi dza u tsa ha Murena, mulovha. Huno tshithu tshihulu, tshithu tshavhudji tsho itea, tshine a thi na tshifhinga matsheloni ano tsha u ni vhudza. Fhedzi khaňwe Swondaha i tevhelaho nga matsheloni, phanda ha musi ri tshi tuwa, ndi nga vha na tshifhinga, kha Mulaedza, u ni—ni vhudza. Arali Murena a tshi funa, ndi do tsela fhasi, fhedzi u rabelela vhalwadze, nga matsheloni a Swondaha. Ri nga di vha ri tshi khou ḥoda u tuwa nga masiari, arali zwi tshi konadzea, u itela mučangano wa San Jose ngei San Jose, California. Huno arali ni na vhatu u mona, kha West Coast heneffo, ndi, ri a tenda, uri i khou ya u vha awara ye nda i lavhelela, lwa tshifhinga tshilapfu, tshanduko kha u da ha vhushumeli hanga. Huno zwi tsini nga maanda, ndo elekanya uri zwi khou ya u itea mulovha. Huno ndi a tenda uri zwi khou da u vha hone zwino, nahone zwi do vha zwihiulu u fhira tshiňwe na tshiňwe tshe ra vhuya ra tshi vhona kana u tshi pfa, naho. Zwino, ni a elelwa, ndi A RALO MA AMBA MURENA. Ni a vhona? Huno ngauralo ro tou zwi lavhelela, tshifhinga tshiňwe na tshiňwe.

Huno ri tea u vha na mučangano zwino ngei mudavhini. Ndi a tenda uri ndi zwone, a si zwone, Gene? Ngei mudavhini San Jose, California. Huno u do vha mučangano wa mađuvha a fumi, u thoma nga dzi 20th, u ya nga dzi 29th, ngei—ngei San Jose. Zwino, itanu ri elelwa na u ri rabelela.

Zwino ri na i no swika, arali ra bva nga tshifhinga, i no swika nthihi na hafu awara zwino, ine ra khou ya u thoma tshumelo yashu ya u rabelela vhalwadze na u ñisa Ipfi. Ndo nanga, matsheloni ano, tshipida tshiđuku tsha Luňwalo, fhethu huvhili kha Bivhili, u amba ngaho.

Fhedzi phanda ha musi ri tshi amba, kha ri kotamise zwifhaatuwo zwashu lwa tshikhalyanya, u itela thabelo.

<sup>2</sup> Mudzimu wa tshilidzi nga maanda, ri da kha khulunoni Yau ya tshilidzi matsheloni ano, sa vhana vha songo fanelwaho, fhedzi ri tshi da nga lutendo lwo kunaho kha Mudzimu, lwe lwa fhiwa riñe nga Muya Mukhethwa, na Vhuhone Hawe vhu no dzula vhu na riñe. Huno nga kha pfulufhedziso ya Murena Yesu, lune arali ra nga da nga u diñukufhadza nahone ra humbela tshiñwe tshithu nga Dzina Lawe, ri do ñewa zwe ra humbela. Ngauralo-ha, a ri lavhelesi murahu kha mishumo yashu, ngauri a ri nayo, fhedzi ri sedza murahu kha mishumo ya Khalivari, musi tshilidzi tshashu tshi tshi fhiwa nga mahala nga Murwa wa Mudzimu. Huno ri a balelwa na u phumula miñodzi ine ya nga elela na mikulo yashu, ri humbula nga ha riñe, vhatatu vha songo fanelwaho, uri hani nga tshilidzi Tshawe ngei kha Khalivari O itela riñe hezwi, uri ri kone u ñiswa tsini na Mudzimu, na kha vhushaka. Huno zwino ri vharwa na vhananyana Vhawé.

<sup>3</sup> Huno ri a da ano matsheloni, Murena, fhasi ha heyi thanga, u dikumedzela, na u itela tshumelo, ri tshi bula zwivhi zwashu, na—na u losha Hukhethwa. Ri fulufhela uri U do vha na riñe huno wa ri fha luvhonela lwa tshimuya lwa u vhuya Hau hu re tsini, uri ri lugisele mbili dzashu duvha na duvha u itela itsho tshiwu tshihulu tshine tsho lavhelelwa lwa miñwaha ya zwigidi. Zwa vhukuma mupo woþe u khou gomela, u tshi lilela u vhofhololwa. Huno na mimuya yashu ngomu, Murena, u khou dzulela u bula, uri, “Ri vhafhiri na vhatsinda, huno hafha ha si hayani hashu, fhedzi ri khou ñoda Dorobo ine Muþhati Wayo na Muiti ndi Mudzimu.” Ri ñulutshelwa itsho tshifhinga tshihulu tshi no khou da.

<sup>4</sup> Murena, ri elelwa uri heyi miñangano, musi ri tshi kuvhangana hafha, ri rabelela vhana Vhau vhalwalaho na vhaþupheaho. Huno ri humbelo uri U do þangana na riñe ñamusi nga ndila ya tshipentshela, u fhodza malwadze oþe na mabiso vhukati hashu. Huno zwi nga vha, Murena,uri heyi pfulufhedziso ye nda vha ndi tshi khou amba nga hayo, kha muñangano na Inwi mulovha, heneþho nga murahu ha masiari, huno nga ndila ye Wa zwi khwaþhiseda u tshi dovholola kanzhi-kanzhi. Huno ri pfa uri awara i tsini nga maanda. Huno ngavhe heli li tshi vha duvha, Murena, line zwa do itea, hune Wa do shandukisa vhushumeli, Murena, kha tshiñwe tshithu tshine tsha do vha tshavhuði kha vhatatu Vhau.

<sup>5</sup> Huno zwino, Khotsi Mudzimu, a ri nga rabeleli havha fhedzi, na avho vho phadalalaho na shango, vhane vha ñoda, zweþe tshimuyani na ñamani. Vha ñee, O Murena, lutamo lwa mbili dzavho, ngauri vhana Vhau vha khou tambula ano maðuvha. Mutsiko wa swina ndi muhulwane, fhedzi Iwe u muhulwanesa. Ngauri zwo ñwaliwa, “Muhulwane ndi Uyo are kha inwi u fhira uyo a re kha shango.” Nga hezwi ri a kunda. Amba na riñe

nga kha Ipfi Lau lo ñwaliwaho. Huno musi ri tshi bva ano matshelo, nga vhe ri tshi amba sa avho vhe bva Emmaus, “Naa mbilu dzashu a dzo ngo swa ngomu hashu musi A tshi amba na riñe ndilani?” Ri zwi hmbela nga Dzina la Yesu, We a nea pfulufhedziso. Amen.

<sup>6</sup> Ndi khou vhala zwino u bva fhethu huvhili kha Bugu ya Genesi. Huñwe haho hu wanala kha ndima ya vhu<sup>24</sup>, u thoma nga ndimana ya vhu<sup>56</sup>, i vhalea nga u rali.

*Huno a ri khavho, Ni songo nthiwhele, ni tshi vhona uri MURENA o pfumbisa ndila dzanga; nthume uri ndi ye kha muñe wanga.*

*Huno vha ri, Ri ðo vhidza musidzana, ra pfa ngaye.*

*Huno vha vhidza Ribeka, huno vha ri khae, Naa u ðo tuwa na uyu munna? Huno a ri, ndi ðo tuwa.*

*Huno vha ɻuwisa Ribeka na wawe mura-...khaladzi avho, na muongi wawe, na muñinda wa Abrahamu,...*

*Huno vha fhañutshedza Ribeka, huno vha ri khae, Iwe u khaladzi ashu, ivha mme a zwigidi zwa dzimilioni, huno mbeu yau i thube khoro dza avho vha dzi vhengaho.*

<sup>7</sup> Huno kha Genesi 22, ndimana ya vhu<sup>15</sup>, ri a vhala.

*Huno muruñwa wa MURENA a amba na Abrahamu u bva ɻaðulu lwa vhuvhili,*

*Huno a ri, Ndo ana nga nne muñe, u ralo MURENA, ngauri iwe wo ita hezwi zwithu, iwe a wo ngo-...hana na murwa wau, murwa wau muthihi fhedzi:*

*Uri kha phathutshedzo ndi ðo u fhañutshedza, kha u anda ndi ðo andisa mbeu yau sa naledzi dza...ɻaðulu, huno sa muñavha...kha khunzikunzi ya lwanzhe; huno mbeu yau i ðo thuba khoro dza swina ɻayo;*

*Huno kha mbeyu yau dzitshaka dzoñthe dza liphasi dzi ðo fhañutshedzwa; ngauri iwe wo pfa ipfi ɻanga.*

<sup>8</sup> Zwino ngavhe Murena a tshi engedza phañutshedzo Dzawe kha u vhaliwa ha Maipfi Awe. Zwino ndi ðo takalela u dzhia, arali zwi tshi nga vhidzwa linwalwa, theroy yanga matsheloni ano, tsha u thoma, ndi, “U lingwa phanda ha khoro dza pfulufhedziso.” Huno theroy ndi: *U Thuba Khoro Dza Swina*.

<sup>9</sup> Mudzimu o vha a tshi khou linga vhokhotsi, ngauri O mu fha pfulufhedziso. Huno musi Mudzimu a tshi ita pfulufhedziso, U khou toda u vha na vhuñanzi uri hoyu muthu o fanelwa nga pfulufhedziso, phanda ha musi A tshi bveledza zwe A amba kana zwe A fulufhedzisa. Ngauralo Abrahamu o fulufhedziswa uri nga kha mbeu yawe shango ñoñthe li ðo fhañutshedzwa, uri u ðo vha na murwa. Huno, hoyu murwa, khae hu tea u bva Mbeu ine ya ðo fhañutshedza shango ñoñthe. Huno Abrahamu, musi

pfulufhedziso yo fhiwa ene, o vha a na miñwaha ya fusumbe-thanu nga vhukale; huno Sara, mufumakadzi wawe, o vha a na miñwaha ya furathi-thanu nga vhukale. Fhedzi Bivhili i ri vhudza uri Abrahamu ha ngo teka-teka kha pfulufhedziso ya Mudzimu, nga kha u sa tenda, fhedzi o vha o khwatha, a tshi neya Mudzimu thendo. Huno Mudzimu, tshifhinga tshiñwe na tshiñwe, u a mu linga, fhedzi u swika kha mulingo wa u fhedza phanda ha musi phaþutshedzo i tshi itea.

<sup>10</sup> Huno ndi nga ndila ine zwa vha ngayo kha Mbeu dzoþhe dza Abrahamu. Mudzimu u ri fha uyo mulingo wa u fhedza phanda ha musi A tshi ri ñea pfulufhedziso. Huno arali zwo vha zwi tshi konadzea, ndo vha ndi tshi nga takalela u amba tshiñwe tshithu hafha, nñe muñe, fhedzi ndi do zwi fara hezwo. Uyo mulingo wa u fhedza, u vhona uri ni do ðifara hani khawo. Huno musi A tshi fha Abrahamu hoyu mulingo, O wana Abrahamu e wa ngoho sa zwe a vha a zwone musi a tshi thoma. I do vha phaþutshedzode nandi matsheloni ano arali ra nga dzhia pfulufhedziso Yawe ya phodzo ri do ima lwa ngoho vhu nga ro ralo musi ri tshi ima hafha ra i ðanganedza. Zwi si na ndavha na zwine dokotela a amba, itanu ima lwa ngoho.

<sup>11</sup> Musi a tshi ita hezwi, huno a sa vhuye a hana na murwa wawe muthihi fhedzi, fhedzi o vha a tshi khou þoda u þoka lufhangha kha marumbi a Isaka, u kwashekanya vhuþanzi hawe. He a vhu tanziela, nga kha liphasi loþhe li ðivheaho le a vha a tshi ðivhiwa khalo, uri o vha a tshi khou ya u vha na uyu murwa. Huno zwenezwo musi murwa a tshi da, a humbelwa u humela murahu, nahone a kwashekanya fulufhelo li loþhe le a vha a naþo kha vhuþanzi hawe uri vhu khunyelele. Huno musi Mudzimu a tshi vhona uri u ya fulufhedzea kha ulwo lutendo lwe a vha a nalwo kha Mudzimu, Mudzimu a lavhelesa nnnda ha maþadulu huno A ri, “Ndo ana nga Nñe muñe uri Ndi do ni fhaþutshedza na u ni andisa, huno mbeu yanu i do thuba khoro dza swina.” Ndi pfulufhedziso-de!

<sup>12</sup> Huno Ribeka, we a vha a tshi tea u vha mme wa hoyu a vthonalaho, o fulufhedziswaho, murwa o lindelwaho, musi a tshi vhidza kha mulingo wa u fhedza, wa munna a sa mu ðivhi we a vha a sa athu mu vhona. O tou vhona fhedzi u shuma ha Muya Mukhethwa. Huno musi vhabebi vhawo vho balelwa u dzhia tsheo uri a þuwe na uyu mutsinda kana hai, u vha mufumakadzi wa munna we a vha a sa athu mu vhona, o ðiswa kha mulingo wa u fhedza. “Ri do vhidza khomba huno ya ðiambela. Ri do pfa nga mulomo wawe uri u do ya, ee kana hai.”

<sup>13</sup> Ndi nga ndila ine zwa ðiswa kha Mbeu dzoþhe dza Mudzimu. Zwi tea u vha nga mulomo wañu. Mudzimu u khou þoda u pfa kha inwi.

<sup>14</sup> Ngauralo musi a tshi vhewa kha mulingo, ha ngo vhuya a vha na tshiangatela. A ri, “Ndi do þuwa.” Ndi funa hezwo. Hu

si, "Irani ndi humbule nga hazwo. Irani ndi zwi gude." O vha o fhedza ngazwo. Ndi vhone vhathu vhane Mudzimu a nga vha shumisa, musi no fhedza ngazwo uri Mudzimu u do vhulunga pfulufhedziso Yawe. A ri, "Ndi do ya."

<sup>15</sup> Huno vhathu vhawé zwenezwo, vho doliswa nga maanda, khañwe vha sa zwi diñhi, fhedzi vha fulufhedzisa vhunga vha tshi vhea zwanda zwavho kha khaladzi avho, na ñwananyana wavho; hoyu o nakaho, musidzana muñuku wa Muyuda, vhunga vha tshi mu ñamedza gamela huno vha mu rumela kha shango lisili, kha vhathu vhasili. Fhedzi ho vha hu na Tshinwe tshithu khavho. Vha ri, "Mbeu yau i thube khoro dza maswina adzo. Ivha mme wa zwigidi zwa dzimilioni."

<sup>16</sup> Huno, ñamusi, lushaka lwa vhathu na vhathu vha Mudzimu lu wanala u bva lwanzheni u ya lwanzheni, u mona na shango. Kha iyo mvuwo vha do nga ñaledzi dza Tađulu, vhunga izwo zwiedza zwi penyaho zwi tshi dzhia maimo azwo, vhunga zwi tshi fhira nga kha lutombo. Huno musi vha tshi da, vha do nga lwanzhe nga...kana muñavha kha khunzikhunzi ya lwanzhe. Hu do vha na vha zwigidi zwa dzimilioni zwavho.

<sup>17</sup> "Yau mbeu i do thuba khoro dza maswina." Ndi pfulufhedziso ye Mudzimu a ana, "Mbeu ya Abrahamu."

Zwenezo, nga Muya Mukhethwa Wawe, ri tshi vhona uri mme o vha a tshi khou ya u vha tshipida tsha murwa, nae, ngauri vha tshipida tsha ñama. Zwenezwo, wone Muya Mukhethwa u tshi shuma nga kha havha vhathu, a ri, "O...Irani Mbeu yau i thube khoro dza swina." Zwenezwo, Mudzimu a tshi ana uri U do thuba khoro dza swina, zwenezwo naa izwo zwi vheya Tshivhidzo tsha Mudzimu gai?

<sup>18</sup> Ri Mbeu ya Abrahamu. Ngauri, ri, ro fa kha Kristo, ri vha, ri dzhia Mbeu ya Abrahamu na vhulaifa nae, fhasi ha pfulufhedziso nthihi ya u ana. Ri Mbeu ya Abrahamu, huno ri vhalaifa vha pfulufhedziso iñwe na iñwe ye ya newa ene. Fhedzi musi u lingwa hu tshi da, ndi hune ra wa. Fhedzi a thi tendi uri Mbeu ya vhukuma ya Abrahamu i do kundelwa. Vha do ima vho khwañtha na u fulufhedzea sa zwe Abrahamu a ita.

<sup>19</sup> Zwino ri vhona uri Mudzimu a nga si ambe tshinwe tshithu kana—kana u ita iñwe pfulufhedziso nga nn̄da ha musi A tshi do i vuledza. U tea u ita hezwo uri a vhe Mudzimu. Nga murahu ha miñwaha, musi vhathu vhathihi, vhathu vho fulufhedziswaho, mbeu ya Abrahamu yo vha i kha lwendo lwayo, vha tshi ya kha—kha shango lo fulufhedziswaho, ho vha na khoro ye ya ima, huno i tshi lwa navho, huno ho vha hu murathu wavho, Moaba, we a ri, "A ni nga fhiri shango langa. Ndi do ita zwe the uri ni si fhire shango langa."

<sup>20</sup> A ri, "Arali kholomo dzashu dza la mahatsi anu kana dza ñwa mađi anu, ri do zwi badela."

Fhedzi a ri, "A ni nga weli heli shango."

<sup>21</sup> Fhedzi pfulufhedziso ya Mudzimu ya ima i ngoho. Huno ngauralo vha ya vha wana muporofita wavho, Biliamu, huno vha mu disa fhasi u sema vhathu. Huno hafha khezwi zwe a amba. Who lingedza u mu sumbedza tshipiqa tshi si tshavhuđi tsha mbeu yo fhatutshedzwaho, fhedzi Mudzimu a mu sumbedza tshipiqa tshavhuđi. A ri, “Nnyi na nnyi ane a sema Isiraele u do seňwa, huno nnyi na nnyi ane a mu fhatutshedza u do fhatutshedzwa.” Huno zwi thivheli zwa bviswa ndilani huno Isiraele a fhira. Mudzimu o fulufhedzisa uri u do thuba khoro dza swina.

<sup>22</sup> Nga murahu, kha miňwaha, ha da muňwe nga dzina la Daniele, we a vha a kha lutsinga lwa heyi Mbeu ya Vhukololo, huno na kha ndila ya pfulufhedziso, ngauri o vha a Mbeu ya Abrahamu. Huno Mudzimu o mu nanga phanda ha musi shango li sa athu sikwa, u vha muporofita Wawe, huno a tshila tshidele nahone a tshila nga u fulufhedzea. Huno na kha shango la vhasili, o vha o qivhudza mbiluni yawe, “A thi nga ditshikafhadzi navho.” Ndi yone Mbeu ya Abrahamu; a tshi khou tshila kha shango lo fhambanaho, a tshi khou tshila vhukati ha vhathu vho fhambanaho, fhedzi o ima kha iyo pfulufhedziso. “A thi nga ditshikafhadzi navho. Ndi do dzula ndi wa ngoho.”

<sup>23</sup> Mudzimu a mu vhea kha mulingo vhunga O ita khotsi awe, Abrahamu. Huno khosi ya ri, “U nga vha muňwe washu huno wa losha nga ndila ine ra losha, kana ndi do u posa nga bako lo dalaho dzindau dzi na ndala.”

<sup>24</sup> Daniele, u fana na Abrahamu khotsi awe, a ri, “Ni nga mposa bakoni la dzindau, fhedzi ndi nga si gwademele tshinwe tsha zwifanyiso zwau. Ndi nga si dzhie vhurereli hanu ha fomała. Ndi do dzula ndi wa ngoho kha Jehova.”

<sup>25</sup> Huno heneffo ha da tano. Khosi ya vhulunga pfulufhedziso yayo huno a doba muporofita, kana a vha nae o dzhiwi a posiva bakoni la dzindau. Huno musi ndau, swina la Daniele, dzi tshi gidimela kha muporofita, Mudzimu a vhulunga pfulufhedziso Yawe. A thuba khoro dza swina. Mudzimu a imisa Muruňwa phanda ha izwo ndau, huno a thuba khoro. Mudzimu u ya vhulunga pfulufhedziso Yawe. “U do thuba khoro dza swina.” Mudzimu o ralo.

<sup>26</sup> Zwenezwo ho vha hu na vhanna vhararu fhasi heneffo vhe vha dibula u fulufhedzea kha mbidzo, vhe vha vha vha Mbeu ya Abrahamu, huno avho vho vha vha Shadiraka na Mishaka na Abedinego, huno vha vheiwia kha mulingo. Huno vha ri, “Arali na sa gwadama musi ni tshi pfa zwihiwana zwi tshi lila na muungo wa phalaphala, arali na sa gwadamela vhurereli hashu, huno na bva kha zwithu zwine na—na imela zweþhe! Huno noþe no nukala naho, zwo ralo. Vhurereli hanu a vhu fhiri ha vhaňwe.” Naa a ri pfí izwo tshifhinga tshoþhe? Fhedzi hone—hone vhurereli ha Yesu Kristo ho fhambana. One maanda

a mvwo Yawe o fhambana. Ri vhathe vho fhambanaho, vhathe vha sa fani na vhañwe, vhutshifhe ha vhukololo. Mudzimu u ita phambano.

<sup>27</sup> Fhedzi musi vha tshi ri, “Ni do tea u vha muñwe washu.” Zwo vha zwi tshi do vha zwo luga kha Shadiraka na Mishaka na Abedinego arali vho vha tshi ḥoda u vha muñwe wavho, fhedzi vha nga si vhuye vha vha muñwe wa vhatsinda. Zwino, vha ri, “Arali na sa zwi ita, ri na muñango u bva hafha u ya kha ḥando, une ra nga u vula ra ni posa khawo, huno ni ḥo tama ngavhe no vha muñwe washu.”

<sup>28</sup> Vha elelwa pfulufhedziso. Vha vha isa fhasi kha ḥando ya mulilo. Huno musi vhatshi vula muñango huno vha vha posa kha khavhu, swina lavho line la ḥo vha fhisa, vha thuba khor dza maswina avho. Mudzimu o ruma Murwa Wawe kha khavhu dza mulilo huno a rothodza mufhiso, huno a amba navho musi vha ngomu heneffho. Pfulufhedziso ya Mudzimu ya ima lwa ngoho. Vha thuba khor dza swina. Vho lingwa u thoma, zwenezwo vha thuba khor dza swina.

Naa ho vha hu si Yesu We a ita pfulufhedziso? “Arali na vhuya na khukhulisa avha vhatuku, zwi ḥo vha khwine kha inwi arali na vhofhelwa guyo mukuloni huno na poswa lwanzheni. Ni songo vhuya na khukhulisa havha vhatuku vha ne vha tenda kha Nñe. Huno hezwi zwiga zwi ḥo vha tevhela vhane vha tenda kha Nñe.”

<sup>29</sup> A ita phambano. O vha na u sumbedza kha vhe vha tenda na vhe vha si tende.

Heneffho, tshifhinga tshothe, hu na zwigwada zwiraru zwa vhathe, zwine ha vha: a sa tendi, mutendi zwawe, na mutendi. Fhedzi Mudzimu u na ndila ya u khwathisedza uri mutendi ndi nnyi. Mutendi u ima o khwatha kha zwē Mudzimu a amba u vha Ngoho. Ee.

<sup>30</sup> Ho vha hu Eliya, wa Thishibe, zwa da kha tano, u swika a tshi humbula uri o vha a ene a eþhe kha lushaka we a vha a khou tshirela Mudzimu. Huno khosi yo vha i tshi khou ya u mu vhea fhasi ha mulingo. Huno vha mu tovhola. Huno uyo muþuku, khosikadzi yo pendiwaho, nga dzina la Isabele, o mu shushedza nga vhutshilo hawe. Huno musi zwi tshi da kha ḥano, Eliya a thuba khor dza swina huno a vhuisa lushaka lwoþhe kha Mudzimu hafhu. Mudzimu u vhulunga pfulufhedziso Yawe.

<sup>31</sup> Ho vha hu Mushe, nga murahu ha musi a tshipida tsha ulwu lutsinga lwa Mbeu ya vhukololo, Mbeu ya Abrahamu, uri musi o iswa fhasi Egipita, u phulusa vhana vha Israele; huno Mudzimu o mu fha zwiga na zwimangadzo zwa u ita, na u rwa lifhasi, na u disa zwidula, na thunzi, na swiswi, na tshifhango, na mvula, na mulilo, nahone o ita haya madembe oþhe. Naho, musi a tshi vha bvisa nga tshanda tsha Yehova, ha da tshifhinga tshe a ḥangana na khor vhathe hawe na shango la pfulufhedziso. Ho vha hu na Lwanzhe Lutswuku, luvhondo ndilani. Vho vha vho tangwa nga

mmbi ya Farao, thavha, na soga, na Lwanzhe Lutswuku. Fhedzi Mushe a ima nahone a thuba khoro dza maswina awe, huno a pfuka Lwanzhe Lutswuku, ho oma, vhunga a tshi khou tshimbila kha ndila ya buse. “U do thuba khoro dza swina.” Mudzimu o ralo, huno hezwo zwi a li ladza.

<sup>32</sup> Ho vha hu miñwaha i si gathi musi milingo i tshi da, huno tshivhidzo tsha tshenuwa tshothe, samusi two leluwa uru tshivhidzo tsha vhathu tshi ralo musi tshiñwe tshithu tshi sa itei nga ndila ye tsha vha tshi tshi tea u ralo. Mudzimu u ya zwi ita nga iyo ndila. Mudzimu u disa mutsiko kha tshivhidzo, “Murwa muñwe na muñwe ane a da ha Mudzimu u tewa nga u lingwa, na u sumbedzwa, na u lingwa.” U tendela malwadze a tshi ni rwa. U tendela malwadze a tshi da kha inwi, u ni linga na u ni tana, u sumbedza shango uri ni tou vha Mbeu ya vhukuma ya Abrahamu. U zwi tendela nga lufuno Lwawe Ene-muñe. U tendela ndado. U tendela khonani u ni shandukela. U tendela hezwi zwithu zweþhe, huno a vhofholola diabolo, u ni linga. Fhedzi u do ita zweþhe u sa dzhia vhutshilo hanu. A nga ni posa kha mbete wa mathupho. A nga ita uri vhaddzulatsini vhanu vha ni shandukele. A nga ita uri tshivhidzo tshi ni shandukele. A nga ita tshiñwe na tshiñwe, nahone ndi lufuno lwa Mudzimu lwawe uri a ite. Ri a funzwa uri ndi wavhuði u fhira na musuku, kha riñe.

<sup>33</sup> Mini-ha nga Abrahamu na Isaka, ngei thavhani, onoyo we pfulufhedziso ya fhiwa ene? Huno nga u fulufhedzea hawe na u ñivha hawe, na lutendo lwawe kha Jehova, ndi kha zwenezwo, huno izwo fhedzi, he Mudzimu a lavhelesa fhasi huno a ri, “Yawe Mbeu i do thuba khoro. Ndo ana nga Nñe muñe uri Ndi do ita hezwi zwithu.” A hu na muhulwane Khae ane a nga ana ngae, fhedzi O ana nga Ene-muñe.

Zwenezwo, arali O tendela Abrahamu a tshi lingwa u swika kha uvho vhuimo ha u fhedza, U tea u linga inwi na nñe u itela itsho tshikhala tsha u fhedza, kha itsho tshifhinga tsha tsheo tshire tshiñwe na tshiñwe tsha vhonala tshi kule na inwi. Ni tea u ima ni noþhe heneffho. [Mukomana Branhamma u khokhonya kha phuþuphithi luvhili—Mudz.] Haþeluya! Ndi zwezwo.

<sup>34</sup> Imani ni noþhe. Tshimbilani nda heneffho ni ri, “Naho A mbulaya, naho two ralo ndi do Mu fulufhela.” Heyo ndi Mbeu ya Abrahamu. Ndi Ene ane a ñea pfulufhedziso. “Zwi si na ndavha uri vhanwe vhoþhe vha ri mini, vhanwe vhoþhe vha ya ralo; kha nne na ndu yanga, ri do shumela Mudzimu.” A ri, “Arali vhanwe vha ri, ‘A hu na tshithu kha tshenzhemo. Ndi guma la zwipfi zwa u takadza’; kha nñe na ndu yanga, ri do shumela Mudzimu.”

Huno ndi nga takalela u dzhia Paulo zwino hafha, huno nda ri, “Nga ndila ine ya vhidzwa ‘tshipengo’ nñe ndi losha Mudzimu wa vhokhotsi ashu.”

"Naho ha vha na zwithithisi zwi tshi da tshivhidzoni, naho ha vha na zwikhukhuliso, naho ha vha na tshaka dzothe dza vhaporofita vha u zwifha na tshiñwe na tshiñwe tshire tsha da tshivhidzoni vhukati ha vhathu, huno na kha vhadzulatsini na tshiñwe na tshiñwe; fhedzi kha nñe na vha nnđu yanga, ri do shumela Murena. Naho vhothe vha litsha u da, naho tshivhidzo tsha rothola, tsha hanedzana; nñe na vha nnđu yanga, ri do shumela Murena. Naho muñwe muthu a rabelelwa nahone a si fhole; izwo a zwi na mushumo nazwo; kha nñe na vha nnđu yanga, ri do shumela Murena." Milingo na khaedu.

<sup>35</sup> Vhathu a si vha si na magumo, fhedzi Mudzimu o ralo. Munna, ni wana muhumbulo wañu kha munna, u do ita phoswo. Khanwe hu si nga u funa, fhedzi u do zwi ita. Mudzimu u ya mu tendela uri a zwi ite uri A dzinginyise lutendo Iwanu kha muthu. Lutendo Iwashu a lu ho kha vhüäli ha muthu, fhedzi kha maanda a mvuwo ya Yesu Krsito. Ndi henehfo hune Mbeu ya vhukuma ya Abrahamu ya awela kha pfulufhedziso dzavho. Ngauri, vha nga vha fhedzi Mbeu ya Abrahamu musi vha tshi tanganedza Muya Mukhethwa. Vha si na Muya Mukhethwa a vha Mbeu ya Abrahamu. Lwone luya lutendo luthihi lwe lwa vha lu kha Abrahamu lu da kha mutendi. Zwi si na ndavha uri ho itea mini kana zwi fhambana hani, mutendi u ya bvela phanda.

<sup>36</sup> Tholi dzo vhuya murahu huno dza ri, "Oo, ndi—ndi vhutsilu u lingedza. A hu tshe na ḥodeya ya u ya phanda, ngauri avho vhathu ndi miswonda henehfo. Huno vha na muvhuso muhulu henehfo, nahone vha na—na mapfumo, na, mulandu, ri tou vhonala sa nzie nga thungo havho."

<sup>37</sup> A thi divhi, fhedzi ndi a kholwa uri Yoshuwa o vha a tshi tou vha tshithu tshipfufhi, u tou vha muñku, muthu mupfufhi. Ndi a mu vhona a tshi fhufha, kha—kha luñwe lushaka lwa bogisi, huno a ri, "Vhathu na vhahashu," vhathu vha milioni mbili, "ri a kona u vha kunda na u fhira." Ni a vhona? Ndi ngani? Ho vha hu Mbeu ya Abrahamu. Mudzimu o fha pfulufhedziso. Izwo ho vha hu shango lavho. Mudzimu o nea pfulufhedziso. A zwi na ndavha uri swina ho vha hu nnyi, Mbeu ya vhukuma ya Abrahamu ya ri, "Ri do li dzhia ngauri Mudzimu o ri fha lone."

<sup>38</sup> Henehfo ndi hune na ima matsheloni ano. [Mukomana Branham u vhanda zwanda zwawe luvhili—Mudz.] Henehfo hu ima Tshivhidzo tsha Mudzimu a tshilaho. A thi na ndavha na zwine muñwe a amba, zwine dokotela a amba, tshiñwe na tshiñwe tshire, zwine a sa tendi a amba, ri nga kona u fhira tshiñwe na tshiñwe tshire tsha da. Ri Mbeu ya Abrahamu, nahone ri do thuba khoro dza maswina ashu, hu si na ndavha na zwine swina la vha zwone. Mudzimu o fha pfulufhedziso. Ho vha hu lavho, shango lavho.

<sup>39</sup> Phodzo ndi shango lañu. Tshidzo ndi shango lañu. Muya Mukhethwa ndi shango lañu. Huno hu na tshihulwane, vhareri

vha zwigidi na zwiñwe zwinzhi shangoni ñamusi, vhane vha ri, “Izwo a zwe ngo ralo.” Fhedzi Mbeu ya Abrahamu i ya zwi ñivha uri zwe ralo. Vha ya dzhena ngomu huno vha thuba khoro dza swina. Mudzimu o ri vha ño ralo. Vha a zwi tenda ngauri ndi pfulufhedziso. “Mbeu Yawe i ño kunda khoro dza maswina.” Zwino ni ño fhira nga kha milingo, na khaedu.

<sup>40</sup> Huno Yosuwa a ima henefho, nga u fulufhedzea. Muthu muñku a ri, “A thi na ndavha uri ndi vhahulu hani. A thi na ndavha uri vha na pfumo la lushaka-de, mbondo dza ñorobo dzavho dzo lapfa u guma gai, nahone ndi khulu hani. Pfulufhedzi yashu ndi, uri, ‘Khoro dzi ño thubawa nga Mbeu ya vhana vha Mudzimu,’ huno ri khou ya ño dzi dzhiya. Ri vhakhaedu vhahulu u vha fhira.” Oo, iyo ndi Mbeu ya vhukuma.

<sup>41</sup> Vhunzhi havho vhe vha bebiwa, ndi mbeu ya mupo, a ri, “Ri tou vha ri nga si zwi ite. A hu na ñhodea ya u lingedza. Ni a vhona, ri khou fhirwa nga tshivhalo. Ri a fhirwa nga tshiimo; ri tshinwe na tshinwe.” Zwi si na ndavha, a nga si ralo... Vho vha vho lavhelesa kha... zwine maþo a vhona. Huno Yosuwa o vha o lavhelesa kha zwe Mudzimu a amba.

<sup>42</sup> Mbeu ya Abrahamu a i lavhelesi kha zwithu zwa mupo. Vha lavhelesa kha zwine Murena vha amba. Iyo ndi pfulufhedziso. Mini-ha arali Abrahamu o lavhelesa kha zwa mupo? Kha musadzi wa miñwaha ya ñana nga vhukale... Fuþahe, o vha o ralo. Huno o vha a na ya ñana. Huno o tshila nae u bva tshe a vha musidzana muñku, huno o vha a mutukana muñku, huno a si na mbeu. Ha ngo lavhelesa kha izwo zwithu. A ri o dzhia izwo zwithu vhunga zwe vha zwi siho, ngauri o sedza fhedzi kha zwe Mudzimu a amba. “Ndi ño u fhañtutshedza, Abrahamu, huno Ndi ño u fha mbeu nga Sara.” Huno a zwi tenda. A ni lavhelesi kha mukhaedu. Ri lavhelesa kha zwine Mudzimu a amba. Mudzimu o zwi amba, izwo zwi a li ladza.

<sup>43</sup> Ngauralo musi a tshi tsa kha Yorodane, musi Yosuwa a tshi itwa mulanga-mmbi wa mmbi, vha tsa fhasi kha phendelo ya madi huno vha vhona nga seli huno vha vhona Yerikho. Fhedzi, vhukati havho, musi Yosuwa o vha a na mbi yaye yo luga, ho vha hu na khoro. Khoro yo vha i tshi vhidzwa Yorodane.

Fhedzi pfulufhedziso ya Mudzimu ndi yavhudzi kha khoro iñwe na iñwe. Zwi si na ndavha uri khoro ndi mini, pfulufhedziso ya Mudzimu ndi yavhudzi. “U ño thuba khoro ya swina ñawé.” Hezwo zwi a li ladza.

Musi a tshi ña fhasi ayo matsheloni, khañwe, ndi khou ya u tenda uri diabolo o vha a na makole a ñumbu huñwe na huñwe o nembelela, matzhava a kale a tshi khou elela, midavhi yo kumbuludzwa u mona nga muðalo. Oo, tshifhinga tshi u linga hani! Fhedzi Yosuwa a ri, “Lugani, ni khou ya u vhona Vhugala ha Mudzimu.” Huno vha ñikhethefhadza nahone vha luga, vha tshi khou luga ngeno tshiñwe na tshiñwe tshi tshi vhonala tsho

fhambana. Fhedzi iyo yo vha i Mbeu ya Abrahamu, we Mudzimu a ana, “Ndi ḋo mu fha khoro.” A ḍa Yorodane, iyo yo vha i khoro yawe, huno a i thuba.

<sup>44</sup> Mañwe a haya matsheloni ndi tea u da kha khoro ya u fhedza na nne. Ni tea u da phasi kha Yorodane, fhedzi Mbeu ya Abrahamu i ḋo thuba khoro. Zwi si na ndavha uri ndi mini, u ḋo thuba khoro ya swina linwe na linwe.

<sup>45</sup> Avho vhanna vho vha vha vhanna vhahulwane. Vho fela nndwani. Fhedzi, mafhedziseloni, linwe duvha Bethlehema la Judea, Mbeu ya Vhukololo ya bebiwa. Zwine, vhañwe vhoṭhe vho vha vha tshi tou vha mirunzi. Mbeu ya Vhukololo yo bebiwa, hu si nga munna. Fhedzi O bebiwa nga tshipofu, na Maanda kha tsinga Dzawe, a u kunda lufu na hele. Mudzimu o ita pfulufhedziso. Muthu zwawe o vha a nga si zwi ite. Fhedzi arali Mudzimu a ita pfulufhedziso, U tou vha Mudzimu muthihi we A vha a ene minete i si gathi phanda, na Abrahamu, Yehova-mukovhel, Murena u ḋo bveledza ndila kha khoro. Naa ri khou ya u zwi ita hani? Yoshuwa o fa. Mushe o fa. Vhoṭhe vho fa. Fhedzi Mudzimu o ri, “U ḋo thuba khoro dza swina.” Naa u khou ya u thuba hani lufu? U na ndila ya u ita zwithu. “U ḋo thuba khoro ya swina.”

<sup>46</sup> Mbeu ya Vhukololo ya bebiwa. A lingwa nga lushaka luñwe na luñwe vhunga riñe ro ralo. Vhunga ni tshi tewa nga u lingwa, na Ene zwo ralo. Diabolo nga u ṭavhanya a Mu dzhia, musi A tshi ṭanganedza Muya Mukhethwa, kha soga lwa mađuvha a fuñja na vhusiku, uri a lingwa. Huno musi A tshi vhuya... Huno kha Lufu lwawe, vha rwela zwipikiri kha tshanda Tshawe, vha mu pfela kha tshifhaṭuwo Tshawe. O fhira nga vhulwadze vhuñwe na vhuñwe. Fhedzi musi A fhano kha lifhasi, O sumbedza uri O kunda malwadze. Musi mme a muñumakadzi wa Petro vha tshi khou lwala, nga mukhushwane, a vha kwama huno mukhushwane wa vha tutshela. Musi vha mapele vha tshi vhidzelela khoromi, “Tshikafhala! Tshikafhala! Arali U tshi ḋo ralo, U nga mphodza.”

<sup>47</sup> A ri, “Ndi ḋo ralo. Ivha a fholaho.” A kunda nahone a dzhia khoro ya mapele. A dzhia khoro ya mukhushwane.

A ita uri mupo muñwe na muñwe u Mu pfe. O vha a Mbeu ya Abrahamu, Mbeu ya Vhukololo, Yone ye pfulufhedziso ya ḅewa; Khae, Abrahamu na Mbeu yoṭhe ine ya mu tevhela, u ya kha Mbeu ya Vhukololo, na Mbeu yoṭhe u Mu tevhela. Pfulufhedziso ya Mudzimu ndi ya ngoho. O kunda malwadze.

O kunda milingo. Musi swina li tshi pfela kha tshifhaṭuwo Tshawe, li tshi rwa tshifhaṭuwo Tshawe, O ḅekedza luñwe luñha. Musi vha tshi kokodza ndebvu kha tshifhaṭuwo Tshawe huno vha Mu pfela, Ha ngo vhuya a dilwela. O kunda khoro dza milingo nahone a dici dzhia.

<sup>48</sup> Zwenezwo ni ri, "Mbiti dzanga dzi nga si tendele ndi tshi zwi ita." Inwi, Mbeu ya Abrahamu, ee, mñe wanga, O ni kundela zwone.

<sup>49</sup> Musi A tshi rwiwa, Ha ngo lifhedza murahu. Musi A tshi nyefulwa, O Difhumlela. Musi A tshi vhidzwa diabolo, O Difhumulela. O vha a na mushumo muthihi, huno uyo ndi mushumo wa Khotsi, huno a bvela phanda na u U ita. Zwenezwo, mafhedziselonzi, vha Mu isa kha tshifhambano. Lufu lwo do tea u Mu livha. Vhañwe vhothe vho vha vho kunda malwanzhe, vho kunda mupo, vho kunda dzindau, vho kunda mulilo. Vho kunda tshiñwe na tshiñwe fhedzi lufu. Fhedzi hafha ho vha hu Tshiñwe tshi tshi khou rwa kha maluvhi Awe, tsinga Dzawe, nahone o vha a na Maanda a u kunda lufu. Ngauralo vha dzhia zwanda Zwawe huno vha Mu phađaladza nahone vha Mu vhamba khà tshifhambano. Vha Mu rwa huno vha Mu bvula u swika marambo Awe a tshi Mu zwondolola. Fhedzi musi vha tshi ralo, nahone vha ita zwe vha vha vha tshi nga kona, lufu lwa Mu rwa, lwa ri, "Zwino ndi do U dzhia vhunga ndo ita Yoshuwa. Ndi do U dzhia vhunga ndo ita Daniele. Huno ndi do ita hezwi zwe, ngauri ndi do U ita uri u fe."

<sup>50</sup> Huno O fa u swika ñuvha li tshi ñishona. O fa u swika mupo u tshi niwa nga ñhoni nahone wa kundelwa u shuma. Ñuvha la kovhela vhukati masiari. Naledzi dza si bve. O fa u swika dzi elemente dzi tshi vha ntswu lune no vha ni nga si vhone na tshanda tshanu phanda hanu, nga masiari. Ndi nga humbulela uri mupo wo ri, "Irani ndi fe Nae."

<sup>51</sup> Mukomana! Zwenezwo diabolo a rumela maya Wawe kha mugodi wa hele. Heneffo khoro dza vulela, fhedzi A bva nga ñuvha la vhuraru, a kunda. Amen. "Mbeu Yawe ya thuba khoro dza swina." A kunda lufu! A kunda hele. Nga ayo matsheloni a Paseka a u thoma, O kunda vhiða. Zwino ri a ima, u fhira vhakundi, nga Khae We a ri funa.

<sup>52</sup> Nga Ñuvha la Pentekoste O rumela fhasi Muya Mukhethwa, u isa phanda, nga kha Vhannda, u dzhia Mbeu ya pfulufhedziso. U nea kha Vhannda, vhatsinda, u vha nea ndovhedzo ya Muya Mukhethwa, u vha disa kha Pfulufhedziso. Zwino ri na pfanelo ya u kunda malwadze othe. A ri tei u a kunda; o no kundiwa. Ri tou tea u vhila pfulufhedziso huno ra ya ra i dzhiya. Yo no kundiwa kale. Lufu lwo kundiwa kale. Hele yo kundiwa kale. Vhulwadze ho kundiwa kale. Milingo yo kundiwa kale. Vhodiabolo vhothe vho kundiwa kale. Hele yo kundiwa kale. Lufu lwo kundiwa kale. Lone vhiða lo kundiwa. Ro ima khoroni, ri khou i dzhiya, a ri tei u thuntsha gulu. Zwo no badelwa kale.

<sup>53</sup> Maswina Awe, U do thuba khoro dza swina lawe. Ndi vhangana? Zwigidi zwa dzimilioni. U do thuba khoro dza swina lawe, swina linwe na linwe. O vuwa vhafuni. Ro zwi thuba ngauri O ri fha zwone. Ndi tshifhiwa tsha mahala, nga nnnda ha hezwo

zwo<sup>the</sup>, na tshiñwe na tshiñwe tshe A ita, na u kunda khoro iñwe na iñwe. O kunda malwadze, a dzhia khoro. Tshithu fhedzi tshire ra tea u ita ndi u ya kha khoro, ra ri, “Nga Dzina la Yesu Kristo, Mukundi!” Amen.

<sup>54</sup> Musi hu tshi da tshifhinga tsha u fa, huno lufu lwa ri, “Ndavheleseni ndi tshi mu ita uri a litshe vhurereli hawe.”

<sup>55</sup> “Nga Dzina la Yesu Kristo wa Nazaretha, humela murahu, Yorodane!” Mbeu ya Abrahamu i dzhia khoro.

<sup>56</sup> Mulandu, Paulo o ri, musi vha tshi khou lugisela u mu tumula thoho, Mbeu ya Abrahamu, a ri, “Lufu, luvholela lwau lu ngafhi? Vhida, gundo lau li gai? Ndivhuwo kha Mudzimu Ane a ri fha gundo nga kha Yesu Kristo.”

<sup>57</sup> U do thuba khoro dza swina lawe, u dzi dzhia. Zwino, ha tshuwi khoroni. U do i kunda nahone a i dzhia. U do i thuba. Izwo ndi kha Maanda awe.

<sup>58</sup> Kha Tshivhidzo tsha Mudzimu a tshilaho, matsheloni ano, ho dzula Maanda a u fhodza vhalwadze. Kha Tshivhidzo tsha Mudzimu a tshilaho ho dzula Maanda a u kunda milingo yo<sup>the</sup>. Kha ndaka ya Tshivhidzo tsha Mudzimu a tshilaho, matsheloni ano, ho dzula Maanda a u vhofha tshivhi na u tshi posa kule, na u tanganedza ndovhedzo ya Muya Mukhethwa, kha Tshivhidzo tsha Yesu Kristo.

“Tshiñwe na tshiñwe tshire na tama, humbelani Dzinani Langa, huno ni do newa zwone. Nga murahu ha tshifhinganyana, huno shango (vha si Mbeu, mbeu i songo tshidzwaho) a vha tsha do Mbona. Naho zwo ralo ni do Mbona, ngauri Ndi do vha ndi na vhoiñwi, na kha vhoiñwi, u swika magumoni a shango.” Mini? Yone Mbeu ya Vhukololo. “Mishumo ine Nda ita, na inwi ni do ita-vho. Ndi do Dītalusa uri Ndi na inwi, ngauri hezwi zwiga zwi do tevhela vhane vha tenda.”

U do thuba mbeu ya swina lawe. U do thuba. Mbeu Yawe i do kunda khoro dza swina lawe, zwi si na ndavha uri khoro ndi mini. Arali hu vhulwadze, milingo, tshivhi, tshiñwe na tshiñwe tshire khoro ya vha, yo kundiwa. Huno Mbeu ya Abrahamu yo thuba.

<sup>59</sup> Naa a no ngo takala, matsheloni ano, u divha zwino uri ri ima ri tshi fhira vhakundi, u fhira vhakundi? Óo, a hu na tshithu tsha u lwela. Nndwa yo fhela. Tshitiriri tsho no lila. Fulaha yo no imiswa. Huno vhukati ha thulwi iñwe na iñwe ya tshivhi, vhukati ha lufhera luñwe na luñwe lwa vhalwadze, ndi tshifhambano tsha kale tshi hwasaho, tsho tayhiwa nga Malofha a Yesu Kristo, Mukundi. Tshithu fhedzi tshire ra ita ndi u tenda, lavhelesani ni tende.

“Ndi do vha na vhoiñwi. Ndi do zwi khwa<sup>thisedza</sup>. Vhathu vha do da mađuvhani a u fhedza, huno vha ri, ‘Óo, zwo ralo, izwo zwo vha.’ Fhedzi Ndi do vha na vhoiñwi. Huno zwithu zwenezwo

zwe Nda ita, hafha kha lifhasi, Ndi do vha kha vhoinwi, ndi tshi khou ita zwithu zwithihi. Zwenezwo vha do divha. Vha do Mbona. Vhone...Vhatu Vhangwa vha do Mbona. Mbeu ya Abrahamu i do Mbona. Vha do Nndivha. Vha do Nndimuwa. Vharwe vha do Mmbidza, 'Belesebulu,' vhunga zwe vha ita. Fhedzi ni do Nndivha, ngauri Ndi do vha ndi na vhoinwi. Ni do Mmbona, u vhona nga mato anu. Ni do Mmbona, ngauri Ndi do vha ndi na vhoinwi, na u swika kha magumo a shango, zwithu zwithihi zwine Nda ita. Uyo ane a tenda kha Nne, na mishumo ine Nda ita nae-vho u do ralo, mishumo i fanaho.”

<sup>60</sup> Huno, namusi, Tshivhidzo tsha Mudzimu a tshilaho tshi na u tondwa ha u ima tsha vhona u kunda, ha o vuwaho vhafuni Yesu Kristo, Murwa wa Mudzimu a tshilaho, o ima henehfa, a tshi khou tshila kha Tshivhidzo Tshawe, a tshi ita zwithihi zwe A ita murahu. Zwenezwo ri thuba khoro dza swina liñwe na liñwe.

<sup>61</sup> Arali ni na swina matsheloni ano, zwenezwo, mukomana wanga, hu na tshithihi fhedzi... Arali ni Mbeu ya Abrahamu, nga murahu ha u pfa hezwi, a hu na vhodiaholo vho edanaho heleni vha ne vha nga vheya iyo khoro phanda hanu. I do vulea. A thi na ndavha na zwine zwa vha zwone. Ni tshimbila nthia henehfo, sa Mbeu yo fulufhedziswaho, na ri, “Ndi vhila heyi u itela nne. Heyi ndi yanga, ngauri Mudzimu o ana uri U do vusa Yesu, huno, nga kha Yesu, ndi do i kunda. Ndi da nga Dzina la uyo Mukundi, Yesu Kristo. Humela murahu. Ndi khou fhira.” Amen. “U do thuba khoro dza swina.” Zwenezwo imani henehfo, na mahada anu murahu na pfumo lanu li penyaho, lo tsireledzwa naga Malofha a Murena Yesu. Swina li do zwi limuwa.

<sup>62</sup> Arali ni na thodea, ambanii Nae zwino musi ri tshi khou rabela, inwi hafha, matsheloni ano, musi zwifhañuwo zwanu zwo kotamiswa. Huno arali ni na thodea, naa ni nga imisa tshanda tshañu kha Yesu? Huno ni tou zwi amba mbiluni yanu, mbiluni yanu, huno na ri, “Murena, U ya divha thodea yanga. Zwino, ndo pfa, matsheloni ano, huno ndi Bivhili iyo, ‘U do thuba khoro dza swina.’ Ndi khou da u thuba khoro. Khanwe ndi na mbiti. Kharwe ndi khou toda Muya Mukhethwa. Tshivhi tsho mmbofha. Ndi na thodea. Fhedzi ndi khou da khoroni zwino. Ndi khou ya u i dzhia, matsheloni ano, khoro yanga. Ngauralo, vula ndila, ndi khou fhira.”

<sup>63</sup> Murea Mufhañutshedzwa, Wo zwi vhona hezwi zwanda zweþhe. Nahone U ya zwi divha uri heli ndi Ipfi Lau, Murena. Ndo tou Li redza, nda li bvisela khagala nga kha Mañwalo. Vhabvumbedzwa vha Bivhili, vha uri vho kunda hani mivhuso huno vha disa u luga, huno vha tsima mulilo, mufhiso wa mulilo, vha ponya þodzi ya pfumo, vha thivha milomo ya dzindau, huno, oo, zwinzhi, vhasadzi vha þanganedza vhafu vhavho murahu kha vhutshilo, na zwithu zwinzhi, ngauri Wo zwi fulufhedzisa. Ndi pfulufhedziso Yau, “Mbeu Yawe.” “Mbeu Yau,

Abrahamu u do thuba khoro dza swina.” Huno Iwe wa vhulunga pfulufhedziso Yau.

<sup>64</sup> Zwino vha neye, Murena, lutamo lwa mbilu dzavho. Ngavhe vha tshi bva hafha vha vhathu vho fhambanaho. Ngavhe vha tshi ṭuwa, vha tshi ḍivha uri vha—vha vhone vhakundi, ngauri yone Mbeu ya Vhukololo yo vha kundela. Yone Khosi ya Vhukololo, musi A tshi da, o bebiwa nga tshipofu, O kunda swina liñwe na liñwe, na kha lufu. Ngauralo lufu lwone luñe lu nga si tshuwise Mbeu ya Abrahamu. Ri na pfulufhedziso ya uri ri do vha na lifhasi sa ifa lashu, nahone ri do vhuya kha tshiimo tsha vhugala nga maanda, kha muvhili wo galafhadzwaho, nga murahu ha musi swina la u fhedza lo vheiwā fhasi ha mulenzhe, wa ene a eþe na wa u fhedza ñwana wa Mudzimu ane a do da kha Muvhuso.

<sup>65</sup> Arali hu na havho vha na zwanda zwavho two ima Murena, vhane vha vha vhaftazwivhi, vha tshidze. Avho vhane vha khou sola, vha tendele vha ḍivhe uri a vha tei u dzula vha vhagunei. A nga kunda iyo khoro ya u guneya. Khañwe hoyo a na mbiti, a—a na maþamba, lulimi lu na tshika, kana mbilu ya nyemulo, kana wa vhutshivha, kha tshelede, kana—kana tshiñwe tshithu tsha tshika, vha tendele vha ḍivhe uri vha nga thuba iyo khoro. Khañwe ndi vhulwadze, Murena, matþupho. Vha nga kunda iyo khoro, “Ngauri O rwelwa u pfuka hashu, o hvuhadzelwa vhutshinyi hashu. Yone þamu ya mulalo washu i Khae, huno nga ntho Dzawe ro fhodzwa.” Ri vha kundi, matsheloni ano. Zwi tendele, Murena.

Huno nga nnda ha hezwo zweithe, iyo mishumo mihulu ye ya itwa Ngae, naho A na rine. Naho, Ô fulufhedzisa uri U do zwi ita. “Nga murahu ha tshifhinga huno shango a li tsha do Mmbona, naho two ralo ni do Mmbona; ngauri Ndi do vha na vhoinwi, na kha vhoinwi, u swika magumoni a tshikhathi.” Ndi a rabela, Khotsi, uri U do Didivhadza kha muñwe na muñwe, matsheloni ano. Ngauri ri zwi humbela nga Dzina la Yesu. Amen.

<sup>66</sup> Naa ni a tenda izwo u vha Ngoho? [Tshividzo tshi ri, “Amen.”—Mudz.] Zwa vhukuma u zwi tenda u vha Ngoho, hu si na na u tima-tima na huthihi mbiluni yanga. Zwino itanu elelwa hezwi. U shuma ha Muya Mukhethwa ndi ho leluwaho hune ha ðadisa muhumbulo wa ñama. Tshithu tsho leluwaho tshe nda vhuya nda... Ndo vhona Muya Mkhethwa u tshi ita hezwi. Ndi do amba zwithu zwine nda, ndi nga si humbule nga hazwo zwi tshi vha nga iyo ndila. Arali ndi tshi tea u shumisa muhumbulo wanga, ndi do ri, “Zwo ralo, izwo zwi nga si vhe zwo luga.” Fhedzi zwi dzulela u vha zwo luga. U ita zwithu nga ndila yo leluwaho. Nahone U ita zwithu uri A ḍivheye kha vhathu Vhawé. Mudzimu u na vhathu Vhawé. U vhukati ha vhathu Vhawé. U ya vha funa. Huno U khou þoda u vha itela, na u vha thusa; na u vha ita uri vha ḍivhe, hu si zwine A do ita, fhedzi zwe A ita. O no

zwi ita kale. Ndi zwaṇu. Zwi wela kha riṇe. Ndi tshifhiwa tsha mahala u bva ha Mudzimu Khotsi ashu, kha Tshivhidzo Tshawe.

<sup>67</sup> Zwino nga ndila ine muhumbulo wa ḥama wa ḥo vha wo shandeya, u fana na mađuvha a Daniele, na mađuvha a vhana vha Vhahevheru, huno—huno na vhanzhi vhe ra amba ngavho matsheloni ano. Ni a vhona, shango līhulu ṥa muhumbulo wa ḥama nga ilo ḫuvha wo vha u tshi kondā u kunda u fana na zwine wa vha zwino. Zwi dzulela u vha swina, kha nqila yavho ya u vhona, huno na saintsī yavho ya tshizwino na zwithu, zwo vha tshi kondā na zwithu, kha muhumbulo zwenezwo, vhunga washu wo ralo ḥamusi. Ni a vhona, ho vha hu tshithu tshithihi. Fhedzi ho vha hu na avho, tshifhinga tshoṭhe, vhe vha khwaṭha vha ima heneffo huno vha ri, “Mudzimu u amba zwone. Ipfi ṥa Mudzimu ndi ngoho.”

<sup>68</sup> Huno, inwi, a ni tei u kunda, ngauri O kunda. Tshithu tshi tshoṭhe tshine na tea u ita ndi u tou ya n̄tha na u dzhiya, u ima khoroni, na ri, “Ndi zwanga. Hezwi ndi zwanga. Mudzimu o mpha zwone, tshidzo yanga. Arali ndi tshi ṭoda Muya Mukhethwa, Mudzimu O mpha wone. Pfulufhedziso ndi yanga, na kha vhana vhashu, na vhoṭhe vha re kule, na vhanzhi vhane Murena a ḥo vha vhidza.” Ndi ngazwo ndi tshi ima. U tou . . .

<sup>69</sup> Vhushumeli hanga, ha u ṭalukanya na zwiṇwe, hu si kale vhu ḥo fhela. Oo, hu ḥo dzulela u vha hone. Fhedzi hu si kale hu ḥo fhedza hezwi, ngauri hu khou ya kha tshiṇwe tshithu tshihulwane. Ni a vhona? Hu khou ya n̄tha; u bva kha u fara tshanda, u ya kha u ṭalukanya, huno zwino vhu khou lugela u ita vhuṇwe. Ni a vhona? Ni a zwi vhona. Zwi lavheleseni huno ni divhe uri ndi ngoho. Ni a vhona? Ndi a zwi divha uri ndi Ngoho. Nahone vhu ḥo aluwa, ha ya n̄tha, ha vha khwine. Zwa vhukuma. Mulandu, O zwi fulufhedzisa. Huno zwe A fulufhedzisa, U ya zwi ita. A nga si kundelwe kha pfulufhedziso Yawe. Huno ndi mini? Ndi Vhuhone Hawe vhu dzulaho vhu hone na riṇe, u vhu tendela, u ni divhisa uri O no ni dzhiela khoro kale.

<sup>70</sup> O vha a Mbeu ya Vhukololo. Ho vha hu si na muthu we a vha a tshi nga dzhiya iyo khoro fhedzi Ene. Havho vhoṭhe murahu afho vho vha mirunzi ya u vhuya Hawe. Fhedzi musi A tshi ḫa, zwi fhedza nndwa yoṭhe. Nndwa yo fhela ngei Getsemane na Khalivari. Huno zwino ri tou ima, sa vhakundi. A hu na nndwa ya u ita. Ri . . . Nndwa yo fhela. Ro tou i wina, ra dzhia tshidzulapo khayo. Thanziela yo ḥwaliwaho nga Mudzimu, Khotsi ashu, We a imisa tshanda Tshawe, a ri, “Ndi ḥo ana nga Nne muṇe uri Mbeu yawe i ḥo thuba khoro dza swina.” Khezwo heneffo. Yo no dzhia. “Ene o rwelwa vhatshinyi hashu. Nga ntho Dzawe ro no fhodzwa.” Zwo no itwa kale. Ndi mushumo wo fhelaho. Ri tou zwi thuba. “Huno mishumo ine Nda ita, na inwi ni ḥo ralo.” Khosi i na rine, matsheloni ano. Phathutshedzo Dzawe khulwane, Muya Mukhethwa, u tshi khou tshimbila kha riṇe. U pfa itsho tshipfi tsha vhugala, u divha uri ndi kokotolo na . . .

kokotolo na Ipfi ḥa Mudzimu. Zwi ri ḥea u khuthadzwa havhuđi, u ḫivha uri ndi—ndi Mudzimu a re Khotsi ashu.

<sup>71</sup> Zwino, ndi a tenda, naa o—o bvisa garaṭa dza thabelo matsheloni ano? Ndo mu vhudza, zwo luga, arali hu tshi tou vha vhathe vha thaberenakele fhedzi, zwo ralo, a songo bvisa garaṭa dza thabelo. Fhedzi arali hu—hu vhanzhi vha no swika fumi, vha fumiṭhanu, kana tshiňwe tshithu, vhatsinda khoroni, mulandu, a bvise garaṭa dza thabelo, uri ri kone u dzi vhidzelela nahone ra vha rabelela. Ndi vhangana vhatsinda vha re na riñe matsheloni ano? Imisanī zwanda zwanu. Yawee, nne nne! Zwa vhukuma. Hu na vha fumiṭhanu kana vha fumbili vhavho. Zwo luga. Ri do dubekanya hedzi garaṭa dza thabelo huno ra dzi ḫisa kha pułatifomo. Ni a vhona, mbuno ya uri ndi ambe nga ha vhathe vha “thaberenakele”, vha hone hafha.

<sup>72</sup> Hohu u ḫalukanya. Elelwani, ndi khou amba hezwi. U ḫalukanya hu si kale hu do guma. Hu do vha na tshiňwe tshithu tshihulwane na tsha khwine, tshi tou vha ndilani. Khevho, vhane nda vha ḫivha, ni a vhona ni khou lavhelesa kha vhakomana vhavhili zwino, vhe vha vha vho ima na nne mulovha, musi hezwo zwi tshi itea, ni a vhona, mbamulovha, musi zwi tshi itea. Huno zwino izwo ndi zwifhinga zwi tshi khou tevhekana, zwino, zwo itea, khwaṭhisidzo ya uri zwi tsini zwino, ni a vhona, zwi khou lugela u bvelela.

<sup>73</sup> Zwino, Murena, Iwe u Mudzimu, nahone ri vhadinda Vhau. Ri a U livhuwa nga Ipfi ḥau, u itela Muya Mukhethwa, We wa fhaṭutshedza mbilu dzashu. Huno zwino ro takala. Ro dzula hafha, ri tshi ḫivha uri ri vhakundi. Ro no thuba khoro dzoṭhe dza swina. Zwo ḫewa kha riñe, nahone ri na khyi khulwane zwandani zwashu. Lone Dzina la Yesu Kristo li do... vula khoro iñwe na iñwe ya swina. U džhiya ino khoño, khoño ya Dzina la Yesu, na un... u vula khoro iñwe na iñwe ya swina ye ya ni vhofhelela kule na pfulufhedziso.

Huno, Mudzimu, matsheloni ano ri da nga Dzina ḥa Yesu, na heyi khono, u vulela vhalwadze khoro na vhaṭhupheaho. Ngauri zwo ḫwaliwa kha—kha Ipfi ḥawe, “Nga Dzina ḥanga vha do pandela vhodiabolo. Vha do amba nga ndimi ntswa. Huno arali vha džhiya maṇowa, kana vha ḫwa tshiňwe tshithu tshi vhulayaho, a tshi nga vha vhaisi. Vha do vhea zwanda zwavho kha vhalwadze huno vha do fhola.” Ri a zwi ḫivha uri hezwo zwithu ndi ngoho. Huno tendela, matsheloni ano, Murena, uri vha do, vhathe vha do kona u vhona hezwo, nga kha u vhonadzwa ha Ipfi lo itwa ḫama na u dzula vhukati hashu, uri, “O rwelwa vhutshinyi hashu; nga ntho Dzawe ro fhola.” Huno ngavhe vha tshi zwi ḫanganedza nahone vha fhola, matsheloni ano, kha malwadze avho oṭhe na mabiso na khakhathi. Ri zwi humbela Dzinani ḥa Yesu. Amene.

<sup>74</sup> Naa ni nga lidza, Teddy, *U Tenda Fhedzi*, nga u dzika na u ongolowa, arali ni tshi ḋo ralo.

Huno mini? Naa ni thoma kha ya u thoma? Nomboro ya u thoma ya, garaṭa ya thabelo. U thoma, vhuvhili, vhuraru, vhuṇa, ḫanu, rathi, sumbe, malo, ṭahe, fumi, kana tshiñwe na tshiñwe tshi re hone. Zwo luga. Naa ni ḋo tou dzika, arali na nga takuwa, na da nga *hafha* thungo.

[Muñwe muthu u ri, “Ndi vhangana vhe na vhidza?”—Mudz.]  
Huh? [Muñwe muthu u ri, “Ndi zwenezwo. Ndi zwenezwo.”]  
Ndi vha . . .

Kha ri vhone, nomboro ya u thoma, nomboro ya vhuvhili. Ndi nnyi a re na garaṭa ya thabelo ya u thoma? [Mukomana u ri, “Ndi nayo.”—Mudz.] Ee. Nomboro ya vhuvhili. Zwo luga, muñe wanga. Nomboro ya vhuraru, nomboro ya vhuṇa, nomboro ya vhuṭanu, nomboro ya vhurathi, nomboro ya vhusumbe, nomboro ya vhumalo, nomboro ya vhuṭahe, nomboro ya vhufumi.

<sup>75</sup> Musi vha tshi khou ḋa na u dzhia maimo avho a u ima, ndi do takalela u vhudzisa mbudziso kha vhañwe vha vhoiñwi. Ndi vhangana, naa vha hone vhañwe vhathu vha thaberenakele afha, vha lwalaho? Vhathu vha thaberenakele, imisani zwanda zwanu. Vha no swika vhañanu . . . vhana, vhañanu, rathi, sumbe, malo. Zwa malo kana zwa ṭahe zwanda. Naa hu na muñwe muthu afha kha thaberenakele, ane haho ḥafha kha thaberenakele, vhanе vha vha vhatsinda, naho ni tshi nga vha no ḋa nga murahu ha tshumelo huno na si wane garaṭa ya thabelo? Naa ni nga imisa tshanda tshañu? Nnyi na nnyi a re na ḫodea ya Mudzimu, a si na . . . a sa—sa di kha ino thaberenakele. Nnyi na nnyi a si murađo wa ino thaberenakele, huno—huno naho zwo ralo vha khou lwala nahone a vha na garaṭa ya thabelo, ni khou ḫoda u elelwa thabeloni? Naa ni nga imisa tshanda tshañu, muthu muñwe na muñwe? Zwo luga. Ndi zwavhuđi. Zwo luga.

<sup>76</sup> Zwino ndi khou ya u ni vhudzisa arali ni tshi nga dzika u ya nga hune ni nga kona, lwa yone—yone minete i si gathi, huno zwenezwo ri ḋo thoma nga u ḫavhanya. Zwino kha ri vhone. Ni na lufhera lungafhani lwo salaho heneffo, Billy? Zwo luga. Naa iyo ndi nomboro ya vhufumi n̄ha heneffo? Ndo vhidza u bva kha ya u thoma u swika kha ya fumi.

Fuminthihi, fumimbili, fumiraru, fumiñna, fumiñhanu, irani vha ime zwino. Arali vha nomboro ya vhufumi, fuminthihi, fumimbili, fumiraru, fumiñna, fumiñhanu, irani vha ime. Zwo luga. Nthihi, mbili, tharu, nña, ḫanu, rathi, sumbe, malo, ṭahe, fumi, fuminthihi, fumimbili. Ho sala mbili kha dzi fhiraho, u bva kha nthihi u ya kha fumiñhanu. (. . . ? . . . sumbe, malo, ṭahe, fumi, fuminthihi.) Fumiñhanu, fumirathi, fumisumbe, fumimalo, fumiñtahe, fumbili.

<sup>77</sup> Oo, imani lwa minete. Ndo—ndo mu vhudza uri a fhe garaṭa dza thabelo kha vhathu vhe vha vha siho kha thaberenakele.

Ndi zwone. Ni a vhona? Ngauri, zwi ḍo vha, ni a vhona, u ṭalukanya. Vhathu vha ri, “Havha vhathu vha ya ḍa kha thaberenakele.” Ni a vhona? Ndi—ndi a ni vhudza. Ndi vhāngana vho no vhaho fhano...vha sa athu ḍa fhano? Kha ri vhone zwāṇu, muṇwe muthu a sa athu vha ho kha miṭangano yanga murahu. Zwo luga. Zwo luga.

Zwino, zwo luga, lwa tshikhalyana zwino, Mukomana Teddy.

<sup>78</sup> Zwino ndi tea u amba hezwi, uri, vhoiñwi noṭhe no no pfaho nga ha miṭangano, nga nđila ine ya tshimbila, naho, na inwi, vhathu vhoṭhe no no vha kha muṭangano? Ni a vhona? Musi Murena Yesu washu vha hone hafha kha ḥifhasi, Ha ngo vhila u vha mufhodzi. O vha a Mbeu ya Abrahamu, zwa vhukuma, huno O vha a na pfulufhedziso Nae. O ri Ha ngo ita tshithu u swika Khotsi a tshi Mu sumbedza. Naa ndi zwone? [Tshihhidzo tshi ri, “Amen.”—Mudz.] Huno A ri, “Ndi nga si ite tshithu u swika Khotsi a tshi ntsumbedza zwine nda tea u ita.” Huno A zwi vhona...Hu si “u swika Khotsi a tshi *vhudza* Nne.” “U swika Khotsi a tshi *sumbedza* Nne.” Yohane Mukhethwa 5:19, “Zwine Nda vhona Khotsi vha tshi ita, izwo na Murwa u ya ita.”

<sup>79</sup> Zwino musi A—A tshi ḍa, ri wanulusa uri, kha u ranga ha vhushumeli Hawe, uri nga murahu ha musi A tshi khou dzhiya tshone—tshone tshidulo tsha Davida...[A hu na tshithu kha theiphi—Mudz.] Ri tshi amba lwa tshimuya, yone...

Musi Muya Mukhethwa u tshi ḍa Khae nga ndovhedzo, ya Yohane, huno A vha Mesia o doliswaho. Zwino, elelwani, O vha a Murwa wa Mudzimu musi A tshi bebiwa. O vha a Murwa wa tshipofu wa Mudzimu o bebiwaho. Fhedzi musi A tshi vha Mesia, ndi hone Muya Mukhethwa u tshi ḍa Khae, ngauri *mesia* zwi amba “mudodzwa.” Ni a vhona? Huno O vha a Ene mudodzwa musi Muya Mukhethwa u tshi ḍa Khae. No mpfa ndi tshi funza nga ha *Ngwana Na Liivha*. Zwenezwo ra wanulusa, musi A... Nga murahu ha mađuvha awe a fuiña a mulingo, A bvela nnđa.

<sup>80</sup> Huno naa vhushumeli Hawe ho thomisa hani, nahone ho fhelisa hani? Ri wanulusa uri, kha vhushumeli Hawe ho vha hu na munna a no pfi Andiriiasi, we a ya a wana murathu wawe, Simoni, murei wa khovhe, huno a mu disa kha Yesu. Huno Yesu a mu vhudza, a ri, “Dzina laṇu ndi Simoni. Dzina la khotsi aṇu ndi Jonasi. U bva zwino ni ḍo vhidzwa u pfi *Petro*, zwine zwa amba ‘tombo lituku.’” Ni elelwa izwo? Huno uyu muthu o vha o mangadzwa nga maända nga zwe Yesu a mu vhudza!

Zwino, naa Mesia o vha o tea u ita izwo? Naa ndi vhāngana vha no ḫivha izwo, ni ri, “Amen.” [Tshihhidzo tshi ri, “Amen.”—Mudz.] O vha a tshi tea u vha Mudzimu-Muporofita. Ee, mune wanga. Mushe o ri, “Murena Mudzimu waṇu u ḍo vusa Muporofita a no fana na nne. Zwi ḍo da zwa vuledzea uri uyo ane a sa ḍo pfa uyu Muporofita u ḍo tumulwa kha vhathu.”

<sup>81</sup> Zwino, zwenezwo musi ri tshi wanulusa, nga murahu, Yawe... “A da kha Vhawe Ene muñe.” Vhane vha vha avho? Avho Vhayuda, nga mvelo. “Huno ngauralo Vhawe Ene muñe vha si Mu t̄anganedze,” ngauralo O vha a na zwenezwo... Zwino zwi tea u ya kha Vhannda, ni a vhona, ngauri Vhawe Ene muñe a vho ngo Mu t̄anganedza. “Fhedzi vhanzhi vhe vha Mu t̄anganedza, vhone O vha nea maanda a u vha vharwa vha Mudzimu.” Ngauralo zwino O diswa kha Vhannda, nahone o ralo, lwa miñwaha ya zwigidi zwivhili. Fhedzi zwino dzhielani nzhele zwithu zwe A ita.

<sup>82</sup> Zwenezwo Filipi, nga murahu ha musi o no vhona hezwi, a ya a wana Nathaniele, huno a vhudza Nathaniele we a mu wana na zwe A ita. Huno hezwo zwa mu tshenusa. O vha a nga si zwi tende. Fhedzi musi a tshi dzhena Vhuhoneni ha Murena Yesu, musi a tshi wanulusa he A vha a hone, a da kha Vhuhone Hawe, Yesu a ri, “Vhonani Muisiraele ane khae a hu na tshika.”

<sup>83</sup> Zwino, arali no vha no ima henefho, ni humbula uri no vha ni tshi do vha wa tshimuya lwo edanaho u pfectesa uri uyo O vha e nnyi? Ni elekanya uri no vha ni tshi do zwi ita? Zwino lavhelesani. Ni a vhona? Uyo Munna, a tshi tou vha Mutsinda, a mure-... henefho, A nga di vha o vha murei wa khovhe. O vha a muvhadi, ndi zwine A vha zwone. Hoyu Munna wa muvhadi o ima henefho, Munna wa miñwaha ya vhukati. Huno nthia ha da hoyu munna. A mu lavhelesa, vhunga vhañwe vha vhanna hafha, a ri, “Vhonani Muisiraele ane khae a hu na tshilavhi.” Zwo ralo, o vha A tshi do zwi divha hani uri ndi Muisiraele? Hu si nga ndila ine a ambara, ngauri vha ambara u fana. “Ane khae a hu na tshilavhi.” Naa O zwi divha hani uri hana—hana tshilavhi?

<sup>84</sup> Ngauralo zwa mangadza hoyu munna. U vha mutendi wa vhukuma, a ri, “Rabbi,” kana murathu, mureri, mudededzi, “naa Wo no vhuya wa mmbona lini?” Ni a vhona, o vha a tshi khou Mu vhudzisa.

<sup>85</sup> A ri, “Filipo a sa athu u vhidza, musi wo vha u fhasi ha muri, Ndo u vhona.”

A ri, “Ni Murwa wa Mudzimu. U Khosi ya Isiraele.”

<sup>86</sup> Yesu a ri, “Ngauri Ndo ni vhudza hezwi, zwino u ya Ntenda? Zwino ni do vhona zwithu zwihulu u fhira hezwi.”

<sup>87</sup> Huno ndi yone mbuno ine nda tenda uri Tshivhidzo tsha Mudzimu a tshilaho tshi khou ya u vhona zwithu zwihulwane u fhira hezwi. Zwi khou lugela u dzhena zwino, hu si kale, ni a vhona, ngauri vho zwi tenda. Avho vho zwi landulaho, nga nthani ha mbondo dza dinomineisheni, ndi a kholwa uri vha do vhuya vha tenda tshiñwe tshithu. Ni a vhona? Zwithu... Ni do tshimbila kha Tshedza kana na pofula. Tshedza tshi a pofudza, kana tsha sumbedza ndila.

<sup>88</sup> Zwinoni zwiñuku, ndo wanulusa, kha Tshifanyiso tsho vhadiwaho tsha Liberty. Ivhani na vhutanzi uri ni a zwi vhona

hezwo, Mukomana Thoms, musi ni tshi ya nt̄ha, ni a vhona. Zwa rwa dzithoho dzazwo, na henetsho. Huno nda ri, “Naa thaidzo ndi mini?”

<sup>89</sup> A ri, “Madzuloni a u tevhela tshedza, kha ḫumbu, kha u tsireledzea, zwi lingedza u bvisa tshedza nga u ḫirwisa. Zwa ḫivhulaya.”

<sup>90</sup> Ndi tshone tshithu tshi tshothe tshire tsha itea musi ni lwa na Tshedza, ni a ḫivhulaya, lwa tshimuya. Itanu tshimbila kha Tshedza vhunga A kha Tshedza, zwnezwo ri do vha na vhuledzani nga tshashu, zwivhidzo zwethe zwi do tenda huno zwa ya nahone zwa diphina nga phaṭhutshedzo dza Mudzimu. Naa izwo zwi nga si vhe zwavhuđi?

<sup>91</sup> Lavhelesani kha musadzi wa Musamaria musi a tshi da. O vha a Musamaria, zwino (hu si Muyuda), Musamaria. Huno A ri, “Ndiseleni tshiñwiwa.” Huno nyambo ya bvela phanda.

Hezwi ndi zwa vhatu vhaswa zwino.

<sup>92</sup> Huno nyambo ya bvela phanda. Zwino, ha ngo Mu ḫivha sa Mesia. O vha a tshi tou—tou vha Munna, Muyuda. Ni a vhona nga ndila ye a amba ngayo u thoma? A ri, “Mulandu, a zwi ngo ḫowelea uri vhoiñwi Vhayuda u amba na vhasadzi vha Vhasamaria nga u rali.” A ri, “A ri na u shumisana nga tshashu.”

<sup>93</sup> A ri, “Fhedzi arali no vha ni tshi ḫivha Ane na khou amba nae, no vha ni tshi do Nkhumbela tsha u ñwa. Huno ndi do ni disela, u ni fha mađi, ane a ni di u aka hafha.”

<sup>94</sup> Mulandu, a ri, “Zwino lwa minete.” A ri, “Ri losha kha ino thavha, nahone—nahone vhoiñwi Vhayuda ni losha Yerusalēma.”

<sup>95</sup> Yesu a ri, “Fhedzi awara i khou da hune—hune a ni nga loshi ngei Yerusalēma kana kha heyi thavha, fhedzi Muyani. Ngauri Mudzimu ndi Muya, huno avho vhanne vha Mu losha vha tea u Mu losha Muyani na kha Ngoho.” Ni a vhona? Zwo ralo, A bvela phanda, a isa phanda na nyambedzano u swika A tshi wanulusa he thaidzo yawe ya vha i hone. Mini, ni a ḫivha uri thaidzo i do vha mini? Muñwe ane a ḫivha uri thaidzo ho vha hu mini nga musadzi ngei tshisimani? O vha a na vhanna vhanzhi, naa ha ngo ralo? Ngauralo A ri khae, “Iyani ni dzhiye munna wañu ni de hafha.”

A ri, “A thi na munna.”

<sup>96</sup> A ri, “Ndi zwone. Ni na vhañanu, huno ane wa khou dzula nae a si wau.”

<sup>97</sup> A ri, “Muñe wanga!” Zwino mu lavheleseni. “Muñe wanga, ndi a vhona uri U Muporofita.”

Arali na ḫalusa kuhumbulule ukwo murahu, ni do pfesesa. “Vhañe vhanga,” kha ya vhubvo, “Iwe u, ndi a kholwa, iwe U u la Muporofita.” Elelwani, kha Bivhili, i dzulela u amba, “U

la Muporofita, naa ni U 'la Muporofita?" Ho vha hu Muporofita ufhio? Ene We Mushe a ri u do vuwa.

"Ndi a vhona uri U Muporofita. Zwino, ri a funzwa, nahone ri a divha uri Mesia a tshi da, U do ita hezwi zwithu." Itsho tsho vha tshi tshiga tsha Mesia. Naa ndi zwone? U divha uri thaidzo dzawe dzo vha dzi mini. A ri, "Ri a zwi divha uri musi Mesia a tshi da, U do ri vhudza hezwi zwithu. Fhedzi Iwe u Nnyi?"

A ri, "Ndi nne Ene, ane a amba na iwe."

<sup>98</sup> A si ya nkho yawe. A gimimela doroboni, ndi a humbulela, o tou fara mbilu yawe. Huno a ri, a tshi tou fara zwanda zwawe kha zwirumbi a tshi fhufha, a tshi ri, "Idani, ni vhone Munna We a mbudza zwithu zwe nda ita. Naa a si onoyo Mesiya? Naa a si Onoyo ane Bivhili ya ri u do da? Ndi Muyuda o dzula nnnda henehfo, Muthu zwawe, a tshi vphonala sa muvhadi. Fhedzi O mmbudza uri ndi na vhanna vhaṭanu, huno nothe ni a zwi divha uri ndi ngoho. Hoyu u tea u vha Mesia." Naa ndi zwone?

<sup>99</sup> Zwino, Yesu a ri, "Nga murahu, tshikhala tshiṭuku tsha tshifhinga, shango a li tsha do Mmbona. Hone, ni do Mmbona, ngauri Ndi do vha ndi na vhoiñwi, na kha vhoiñwi. Na mishumo ine Nda ita ni do ita-vho. Na zwi fhiraho zwe Nda ita hafha, ni do ita, ngauri Ndi ya ha Khotsi, nda vhuya murahu kha tshivhumbleo tsha Muya."

Tshiṭhavhelo tsho badelwa. Mbeu ya Vhukololo yo fa; yone Mbeu ya Vhukololo ya vuwa hafhu. Zwino Tshivhidzo tshi ima tsho itwa tsho lugaho, nga u tenda hezwo, huno Mbeu ya Vhukololo i nga da kha havha vhatnu nahone a vha ita vhalai nae, vharwa na vhananyana vha Mudzimu.

<sup>100</sup> Zwino, u ni awedza nnda hafho, vha siho kha muduba wa thabelo, Ndo mu vhudza uri a nekedze garaṭa kha vhatnu vhane... musi ndi tshi mu vhidza matsheloni. O mmbidza, a ri, "Ni khou ḥoda u tsa fhasi na nea dziñwe garaṭa, khotsi?"

<sup>101</sup> Nda ri, "Arali hu na vhatnu vha no swika fumi vha sa dzheni kha thaberenakele."

<sup>102</sup> Zwino, tshiñwe tshifhinga kha thaberenakele ndi a vha vhidza nda vha fha garaṭa dza thabelo. Ni vhuya murahu, na ri, "Zwo ralo, u ya vha divha. Who vha vha tshi bva kha thaberenakele. O divha nyimele dzavho. Zwa vhukuma."

<sup>103</sup> Zwenezwo nda rembuluwa, nda ri, "Avho vhane vha si dzhene kha thaberenakele, vha tshi da. Zwo luga. Vhoiñwi ni si na thaberenakele, hu do vha vhoiñwi vhane vha dzhena kha muduba wa thabelo."

<sup>104</sup> "Oo, a ri vha divhi," thaberenakele yo ralo. "A ri divhi uri thaidzo dzavho ndi mini. A nga vha a tshi khou zwifha nga hazwo." Ni a vhona?

<sup>105</sup> Zwenezwo nda ri, “A hu na ane a ḏa. Irani Muya Mukhethwa u tou topola avho vha re afha vha sa bvi kha thaberenakele, vho sokou dzula hafha.” Dzikani, ni tou . . .

<sup>106</sup> A hu na ndila na nthihi, ya u isa munna kha Mudzimu, nga nn̄da musi o tiwa uri a vhe murwa wa Mudzimu. Hu tou vha hu si na ndila ya u zwi ita. Yesu o ri, “A hu na muthu ane a nga ḏa kha Nne nga nn̄da ha musi Khotsi Anga vho mu vhidza.” Huno iyo ndi Ngoho. Tshiñwe na tshiñwe tshe A ita, ho vha na tshiñwe tshithu tshi hanedzaho. “Arali O ita nga *heyi* ndila, zwo vha zwo tea u vha nga *heyi* ndila. Na *heyi* ndila, zwo vha zwo tea u vha nga *heila* ndila.” Ni a vhona, hu tou vha u sa tendi. Fhedzi vhuṭali vhu khwāṭhisēdzwa nga vhana vhaho. Ngauralo, inwi, ni a vhona.

<sup>107</sup> Zwino hafha, ndi khou lingedza uri kha—kha hetshi tshivhidzo tsha vhathu, hezwi, uri Yesu Kristo o vha a Mbeu ya Vhukololo. A si riñe; ndi Ene. Ri tou vha vhalifa vha hezwo, fhedzi zwithu zwothe ndi zwashu. Mini-ha arali no ima henehala liya duvha musi Simoni a tshi ḏa? Huno, inwi, hu si na muthu . . . Hetshi ndi tshithu tsha u thoma tshe A vhuya a ita.

<sup>108</sup> Zwino, hetshi tshi do vha tshithu tsha u thoma kha havha vhathu, arali A tshi ita. Å vha athu tshi vhona murahu.

<sup>109</sup> Fhedzi musi Simoni a tshi ḏa, murei wa kale, a si na pfunzo yo edanaho u saina dzina lawe' kha tshipida tsha bambiri. Yone Bivhili yo ri “a songo guda na u funzea.” Huno ndi liṭanganyi. Zwothe, “u sa guda na u funzea.” Huno musi A tshi ya n̄tha, nga tshiga, kana nga nungo . . . Yesu, Yesu a ri, “Dzina ḥanu ndi Simoni.” Ni humbula uri o elekanya mini? Naa ni tshi do vha no elekanya mini arali no vha ni tshi do vha no ima henehelo? “Huno dzina la khotsi anu ndi Jonasi. Huno u bva zwino ni do vhidzwa u pfi Petro.” Mini, naa ni tshi do vha no humbula mini? Naa ho vha hu Munna a tshi khou vhala muhumbulo wawe? Zwo ralo, naa ni tshi do vha no humbula mini? Naa ni tshi do humbula uri itsho tsho vha tshi tshiga tsha Mesia?

<sup>110</sup> Arali itsho tshi tshiga tsha Mesia kha tshiñwe tshikhathi, tshi tea u vha tshiga tsha Mesia, na kha tshikhathi tshi tevhelaho, tshikhathi tsha vhuraru, tshikhathi tsha vhuna. Tshikhathi tshiñwe na tshiñwe tshi tea u fana, ngauri Mudzimu a nga si shanduke. Huno ndi vhangana vhane vha zwi dihva uri Mesia o vha a Mudzimu? Zwa vhukuma. O vha a Muḍodzwa. Zwa vhukuma. Ngauralo A nga si shanduke. U tea u vha a fanaho.

<sup>111</sup> Ndi yone mbuno O tea u ḥanziela tshithu tshi fanaho kha Vhasamaria tshire O ita kha Vhayuda. Ngauri, tshaka tharudza vhathu ndi Ham, Sham, na vhathu vha Yafete; Vhayuda, Vhannda, na Vhasamaria.

<sup>112</sup> Zwino, ni dzhiela nzhele Muya Mukhethwa? Ndi vhangana vhane vha dihva uri Petro o vha a na khoño dza Muvhuso? Naa no dzhiela nzhele? o u vula nga Duvha la Pentekoste, kha Vhayuda. Filipi a tsa fhasi huno a funza kha Vhasamaria, huno a vha

lovhedza nga Dzina la Yesu Kristo, fhedzi Muya Mukhethwa wo vha u sa athu da khavho zwenezwo. Vho do tea u ruma vha wana Petro, we a vheya zwanda zwavho khavho huno vha tanganedza Muya Mukhethwa. Ndi zwone? [Tshivhidzo tshi ri, "Amen."—Mudz.] Huno nndu ya Koronolio, ene—ene Wannda a U tanganedza. Zwo vha zwi zwenezwo fhedzi. U bva heneffo, wo tou vulea kha vhothe zwino. Ngauralo khezwo-ha, ni a vhona, O do tea u u vula. Mudzimu u na ndila ya u ita zwithu.

<sup>113</sup> Zwino, matsheloni ano, arali Onoyu We a fha Pfulufhedziso kha Mbeu, huno arali mbeu yo dzula hafha... Ndi khou tenda uri muñwe na muñwe wa vhoiwi ni yone. Arali Mbeu yo dzula hafha, zwa vhukuma Mbeu i do vhona Pfulufhedziso. Zwino, muñwe na muñwe wa havha vhatu vho imaho hafha huno vho imisa zwanda zwavho, a vha athu vha kha miñangano na luthihi. Ndi vhatsinda kha nne. A thi ñivhi na muthihi wavho. Vha tou da hafha. Huno minete i si gathi yo fhelaho, Billy a vha fha garaña ya thabelo, huno khevha vho ima hafha. Hu na vhanzhi vha vhoiwi nnnda heneffo, imisani zwanda zwanu, vhe na vha ni si na garaña ya thabelo, huno no vha ni kha ñi vha vhatsinda hafha. Izwo a zwi na mushumo. Ni tou tenda uri ni muläifa wa iyo pfulufhedziso. Ni tou tenda hezwo uri nga Ntho dzawe no fhodzwa. Huno na tenda uri nga mbilu yanu, huno Mu lavheleseni.

<sup>114</sup> Tshithu tshi tshothe tshire hetshi tshifhiwa tsha vha, ndi tou dinékedza Khae. A thi ambi tshithu; ndi Ene a ambaño. Huno arali Hu Muya Wawe wa vhuporofita, muporofita o dzulela u vha na A RALO MA AMBA MURENA. Zwo dzulela u vha ngoho. Huno ni songo vhudzisa Pfunzo, ngauri i do tea u tendelana na Bivhili, arali hu Mudzimu. Mudzimu a nga si ambe tshithu, huno zwenezwo a humela murahu khatsho huno a tshi shandukisa. Tshi tea u vha tshithu tshi fanaho tshifhinga tshothe.

<sup>115</sup> Zwino, ni nnnda hafha, ni a tenda. Nga zweithe zwi re kha inwi, ni a tenda. Zwino ni songo tsha tshimbila-tshimbila. Itanu dzula ni dzike zwino, muñwe na muñwe.

Nga u tou ongolowa na u dzika nga hune na nga kona.

Zwo itea ha vha, matsheloni ano, uri muthu wa u thoma o imaho hafha ndi munna. Zwino ri khou ya u dzhiya holwu Luñwalo.

<sup>116</sup> Zwino ni a vhona he nda ima hone? Naa ndi vhangana vhane vha nga pfesesa izwo? Havha ndi vhanna na vhasadzi vho imaho hafha, vhane a thi athu vha vhona, kha vhatshilo hanga. A vha athu vhuya vha vha kha miñangano, huno ni a vhona he vha ima hone. A vha ñivhi zwine zwa khou ya u itea. A thi ñivhi zwine zwa khou ya u itea. Fhedzi Mudzimu o zwi fulufhedzisa. Abrahamu o vha a sa ñivhi zwe zwa vha zwi tshi khou ya u bvelela musi a tshi dzhiya lufhangwa u vhulaya Isaka, fhedzi Mudzimu o zwi fulufhedzisa. Hezwo zwi a li ladza. O mu

ṭanganedza sa o vuwaho vhafuni, a tshi ḋivha uri U ya kona u mu vusa vhafuni. Naa izwo ndi zwone? Ngauralo izwo zwi a ḋi ladza.

<sup>117</sup> Zwino, hafha ho ima munna tsini hanga, a thi athu vhuya nda mu vhona, thi ḋivhi tshithu ngaye. Ri vhatsinda nga tshashu. A ri ḋivhani. Mudzimu u ya ri ḋivha roṭhe.

Zwino, nga tshifhiwa Tshikhethwa, arali ndi tshi nga tou nga tshifhiwa . . . Zwino, izwo zwifhiwa ni bebiwa nazwo. Mudzimu u dzula o zwi ta phanḍa ha mutheo wa shango. Naa ndi vhangana vha no ḋivha izwo? [Tshivhidzo tshi ri, “Amen.”—Mudz.] Ngaralo zwi nga si vhe tshiñwe tshithu tshine nda vha natsho, u dzhia tshifhiwa. Mudzimu u tou nanga hezwo. A tho ngo vhuya nda nanga hezwo. O nanga hezwo. Ni a vhona? U fana na vhaporofita vha Testamennde ya Kale, na vhathu vho fhambanaho, vho vha vho telwa u zwi ita, u ita hezwi.

<sup>118</sup> Zwino, arali munna a tshi khou lwala, ndi nga si mu fhodze. Arali munna a kha ḫodea, zwi do bva kha lushaka lwa ḫodea uri ndi nga mu thusa kana hai. Zwi nga ralo, arali hu tshiñwe tshithu sa . . . tshithu tshītuku tshine ndi nga mu thusa u, mulandu, ndi do takala nga maanda u zwi ita. Khañwe u na mbiti. Khañwe a si Mukriste. Khañwe ndi Mukriste. Khañwe ndi wa khole-khole. A thi ḋivhi. Mini-ha arali a liravhele, muñwe we a tou nangavhedza a džhena ngomu, huno a ḋa hafha a tshi khou diita tshiñwe tshithu? Lavhelesani zwine zwa itea, ni a vhona, u tou—u tou vhona zwine zwa bvelela. A thi ḋivhi.

<sup>119</sup> Fhedzi, ni a vhona, ni ima hafha, zwenezwo ni nga ima lwo khunyelelaho, ni tshi ḋivha uri Mudzimu o ita pfulufhedziso, Mudzimu u ya vhulunga pfulufhedziso Yawe. Ni a vhona? Zwino, arali Mudzimu a tshi vhulunga pfulufhedziso Yawe, vhukati ha, hanefha zwino, kha havha vhatu; ndi vhangana negeo vhane vha khou ya u dzula nn̄da heneffo, huno nga mbilu yanu yoṭhe ni khou ya u zwi tenda? Mbilu yanu yoṭhe, ni khou ya u zwi tenda? Zwenezwo ni tou ntenda.

<sup>120</sup> Zwino kha ri vhone. Kha ri dzhiye Luñwalo. Zwino, Simon Petro a ḋa kha Murena Yesu. Huno kha u ḋa kha Murena Yesu, Murena Yesu vha mu vhudza uri o vha a nnyi, na—na u mu vhudza zwithu nga ha vhatshilo hawe. Zwo ralo, onoyo Yesu muthihi u ya tshila namusi. O . . . Naa ni a tenda O vuwa vhafuni? [Tshivhidzo tshi ri, “Amen.”—Mudz.] Naa ni a tenda uri Muya wa Mesia u kha ḋi tshila kha Tshivhidzo, namusi, vhunga zwi tshi fana samusi zwe dzulela u ralo? [“Amen.”] Zwo luga.

<sup>121</sup> Zwino, vhoiñwi kha vhathetshelesi, vhane na si vhe na garaṭa ya thabelo, ni lavhelesa ino thungo na ri, “Murena!” A hu na zwiñwe, a hu na garaṭa ya thabelo kha vhathetshelesi, ndi nadzo dzoṭhe dzo ima hafha. Vhoiñwi kha vhathetshelesi, “Murena, Wo nkwama.” Lavhelesani zwine zwa itea. Lavhelesani zwine zwa itea . . . ? . . .

<sup>122</sup> Zwino, muñe wanga, arali ho vha hu na ndila kha shango ya u ni thusa, ndo vha ndi tshi ḍo zwi ita. Ni a vhona, ndi tou vha, ri tou vha vhatsinda nga tshashu hafha, huno ndi—ndi ṭangana na inwi lwa u thoma. Fhedzi ndi na vhudifhinduleli, sa mushumeli, u amba Ngoho na u vha ṭhanzi ya Yesu Kristo. Huno, zwino, a thi ṭodi ni tshi mmbudza tshiñwe tshithu. Ndi khou ṭoda ni tshi mphindula kana ndi ngoho kana hai, huno zwenezwo Mu litsheni a zwi ite. Huno Arali a tshi nga ita nga ndila nthihi hafha kha pulatifomo, nga kha hoyu muvhili, zwe A ita nga kha muvhili wa Yesu!

Ndi Mudzimu, kha Kristo. Yesu uri, “A thi iti tshithu u swika Khotsi, vha re kha Nne, vha tshi Ntsumbedza. Vha mmbudza zwine Nda tea u ita.” Ngauralo a si Yesu we a vhudza mufumakadzi. Ho vha hu Khotsi, Khae, we a vhudza vhafumakadzi. Ho vha—ho vha hu si Yesu we a divha uri Simoni Petro o vha a nnyi, ho vha hu Khotsi ane a dzula Khae, we a divha uri Simoni Petro ndi nnyi. Ndi zwenezwo. Ni a vhona? Ndi zwenezwo.

<sup>123</sup> Ndi nga ni vhudza, zwino, ni Mukriste, ee, muñe wanga, ngauri ni na—na—na muya u ṭanganedzaho nga mafunda. Huno, ndi, ndi mutendi. Ndi Mukriste. Huno ni khou tambula nga nyimele ya zwipfi zwine zwa ni fha thaidzo ya thumbuni. [Mukomana u ri, “Ndi zwone.”—Mudz.] Naa izwo ndi zwone? [“Ndi zwone.”] Ni a vhona? Ni a vhona? Zwino, ndi zwone kokotolo. Naa izwo two itea hani? Ndo qivha hani izwo? Kha shango ndi nga vhuya nda zwi divhisa hani? A ri athu vhonana. Ndi zwone. A zwi ngo ralo? [“Ndi ngoho.”] Khamusi U ḍo ni vhudza tshiñwe tshithu nga ha inwi muñe. [“Zwo ralo, ndi...”] Ndi ḍo ni vhudza. Hafha ndi tshiñwe tshithu. Ndi vhona musadzi tsini hanu. U na inwi. Ndi mufumakadzi wanu. Nae u khou ṭoda thuso, nae-vho. [“Ndi zwone.”] Ee, muñe wanga. Ni a tenda uri Mudzimu a nga mmbudza uri thaidzo ndi mini nga mufumakadzi wanu? [“Ndi a tenda A nga ralo.”] Zwo luga, mune wanga. U na thaidzo ya mbilu, vhukondi. [“Ee, muñe wanga.”] Ndi zwone. A si zwone? U tshuwa, naho. [“Ndi zwone.”] Ee, muñe wanga. Zwino, a ni bvi kha ino dorobo. [“Hai, muñe wanga.”] Ni huma nga *heyi* ndila musi ni tshi humela hayani, ni tshi ya Cincinnati. [“Ndi zwone.”] Ndi zwone. Ni bva Cincinnati, Ohio. [“Ee, muñe wanga.”] Dzina lanu ndi Milliken. Humani, humelani murahu hayani, ni fhole. Murena vha ḍo ni fhaṭutshedza nahone ni ḍo fhola, inwi na mufumakadzi wanu. Mudzimu a ni fhaṭutshedze.

Idani, muñe wanga. Ni a tenda? Zwino itanu vha na lutendo. Ni songo tima-tima.

<sup>124</sup> Zwino ivhani vho dzikaho zwa vhukuma. Muñwe na muñwe zwino kha dzike zwa vhukuma, fhumulani. Ni a vhona, wone Muya Mukhethwa u tou vha u dzhielaho nzhele. Ndi vhangana vha no qivha izwo? U tou vha u dzhielaho nzhele nga maanda,

Muya Mukhethwa, ni a vhona, u thithiswa huńwe na huńwe hułuku hu ya Mu dzindela.

<sup>125</sup> U ya nga madokotela, ni tea u fa nga u ḥavhanya, nga thaidzo ya mbilu. [Mukomana u ri, “Ee.”—Mudz.] Ndi zwone. Ni da hafha u bva Chicago, Vho. Mosley. [“Ee.”] Dzina ḥanu la u thoma ndi Theodore. [“Ee.”] Ni a tenda Mudzimu? [“Ee.”] Zwenezwo tshimbilani hayani ni tshire, nga Dzina la Yesu Kristo, huno ni fhole. Mudzimu a ni fhaṭutshedze.

<sup>126</sup> Ni a tenda Mudzimu? [Khaladzi uri, “Zwa vhukuma. Ee, mune wanga.”—Mudz.] Ni khou tambula nga nyimele kha mulenzhe wanu. Ni bva nn̄da ha dorobo, na inwi-vho. [“Ee, muńe wanga.”] Ni bva Owensboro, Kentucky. Dzina ḥanu ndi Vho-Mme. Lamb. [“Ee, muńe wanga.”] Humelani hayani ni fhole.

<sup>127</sup> Musadzi o dzulaho nga heneffo, nae u bva Owensboro. [Khaladzi u ri, “Amen.”—Mudz.] Ni na tshitshimidili kha ḥamu ḥanu hafha. Ni tea u itwa muaro, matshelo. Tshimbilani, ni tende, ni tshire.

<sup>128</sup> Naa ni a tenda, mune wanga? [Mukomana u ri, “Ee, ndi a ralo.”—Mudz.] Ri vhatsında nga tshashu. [“Ee, ro ralo.”] Dzina ḥanu ndi Vho. Gilmore. Ndi zwone. Ni bva Anderson, Indiana, hune mutshimbilo muhulu wa Tshivhidzo tsha Mudzimu wa vha. [“Ndi zwone.”] Ndi zwone. No imela hafha ḥwana wanu ane murado u khou ḥuphea. O holefhala zwiłuku. Ni a tenda? Zwenezwo tshimbilani hayani ni mu wane nga ndila ine na tenda. Zwo luga. Mudzimu a ni fhaṭutshedze. Ivhani na lutendo. Tendani.

<sup>129</sup> Ni a tenda nga mbilu yanu yothe, muńe wanga? [Mukomana u ri, “Ee, muńe wanga.”—Mudz.] Ni bva Indianapolis. Ni mushumeli wa Mafhungo-madifha. Ndi mufumakadzi wanu hoyo. Uh-huh. U khou tambula nae. [“Ndi zwone.”] U na thaidzo ya gulokulo kha gulokulo. Ene dokotela... U na thaidzo ya mbilu; u tshuwa zwiłuku. Ndi vhona u sa pfa kha nđevhe. Mini... Idani hafha.

Iwe muya wa u sa pfa, nga Dzina la Yesu Kristo, ndi a u layela nga Mudzimu a tshilaho, i bva kha musadzi.

Zwino ni nga mpfa zwavhuđi zwino. Nothe ni nga humela hayani na fhola. Humelani murahu hayani hanu. Ni a mpfa, nahone no fhola. Ni do fhola.

<sup>130</sup> Ni a tenda nga mbilu yanu yothe? [Tshivhidzo tshi ri, “Amen.”—Mudz.] Itanu vha na lutendo kha Mudzimu. Ni tende.

<sup>131</sup> Iyo athirathisi ya kale na zwithu yo no ḥańesa. Ni a tenda uru Mudzimu u do ni fhodza? Zwenezwo tshimbilani nga heneffo. Iyani hayani, ni tshi renda Dzina Lawe, ni tshi ri, “Ndi a U livhuwa, Murena Yesu a funeaho.”

Tsho itisaho uri ndi gavhe izwo nga u ḥavhanya, hoyu musadzi u na tshithu tshithihi, athirathisi.

Ni a tenda uri Mudzimu u do ni fhodza? [Mukomana u ri, "Ee."—Mudz.] Zwo luga, mune wanga. Zwenezwo itanu tshimbila nga heneffo, huno ni ri, "Ndi a U livhuwa, Murena Yesu," huno ni ye hayani.

<sup>132</sup> Zwo luga, khaladzi, itanu rembuluwa huno ni ye murahu ni tende. No vhaisala kha gona lañu, ndi hafha, na thaidzo yanu ya mbilu, na zwiñwe zwinzhi. Itanu rembuluwa ni ye hayani, ni ri, "Ndi a U livhuwa, Murena Yesu," huno ni fhole. Tendani nga zwoþhe zwi re kha inwi.

<sup>133</sup> Ni a tenda? [Tshivhidzo tshi ri, "Amen."—Mudz.] Mini-ha nga afho, vhañwe vha vhoiñwi vhathu, ni a tenda? ["Amen."]

<sup>134</sup> Musidzana muþuku o dzulaho afho, wa þoho ntswu, a na tshifakhole, ni a tenda uri Mudzimu u do ni fhodza? Ni a zwi þanganedza? Zwo luga. Arali ni tshi do ralo, U do zwi ita.

<sup>135</sup> Hafha ho dzula mureri, o dzula heneffha, a tshi khou þoda u tshimbila na Mudzimu ho dzivhafhalaho. A no ngo ralo, mune wanga? Ni a tenda uri Mudzimu u do ni itela zwone? Imisani tshanda tshañu ni ri, "Ndi a zwi þanganedza." Uh-huh.

<sup>136</sup> Hoyu musidzana o dzulaho hafha, o tsitsela tshanda tshawe phasi. U na thaidzo ya tshimuya ine a khou humbula nga hayo. Ndi zwone.

<sup>137</sup> Hafha ndi musidzana muþuku, u ya ðivhudzisa arali a tshi khou ya u vha na ñwana wawe. Ndi zwone. No no vha kha miñwe ya miþangano yanga. Ndi a ni fulufhedzisa, nga Mudzimu, ñwana. A tho ngo ralo? Zwo luga. Zwenezwo iyani hayani ni vhe nalwo. Ni songo tsha vhlaela nga hazwo.

<sup>138</sup> Naa ni a tenda nga mbilu yanu yoþhe, vhoiñwi noþhe? [Tshivhidzo tshi ri, "Amen."—Mudz.] Muñwe na muñwe wa vhoiñwi u ya tenda? ["Amen."] Mbeu ya Abrahamu i do thuba khoro, khoro dza swina. Naa ni Mbeu ya Abrahamu, nga Yesu Kristo? Imisani tshanda tshañu arali ni yone. ["Amen."]

Zwenezwo vheani zwanda zwañu kha mudzulatsini wañu, kha mudzulatsinawañu, nga tshañu. Vheanani zwanda nga tshañu. Thubani khoro zwino. Ndi yanu. I wela kha inwi. "Thabelo ya lutendo i do tshidza mulwadze. Mudzimu u do vha vusa." Zwo luga, rabelani nga ndila yanu. Rabelani nga ndila ine na ita tshivhidzoni tshañu. Rabelelani vhathu vha re na inwi zwino. Vheanani zwanda ni rabelelanelane.

<sup>139</sup> Murena Yesu, ri da kha itsho tshihulu, Dzina la Maanda la Mbeu ya Vhukoþolo, yone Mbeu ya Abrahamu, we a fulufhedziswa Ene thavhani he Wa bveledza ngwana; huno wa vheya ngwana phangani, tshithu tshi mangadzaho, nga ndila ye Wa ita hezwo zwisindi, mulovha.

Ndi a rabela, O Murena Mudzimu, uri U do rumela Maanda, lutendo. Huno ni tendele Mbeu inwe na inwe... Ndi a zwi ðivha uri vha do ralo, Murena, ngauri Wo ri, "Mbeu ya Abrahamu."

Huno arali ho vha hu na vhañwe hafha vha tshi khou ñiita Mbeu, ngeno vha si Mbeu, vha hangwele nga u ñiita, kana u ñiitisa. Huno ngavhe Muya Mukhethwa zwino u tshi vhosa mulilo ngomu mimuyani yavho nga lutendo lu tshilaho. Tendela Muya Mukhethwa u dzhene kha mbilu iñwe na iñwe huno u fhodze muñwe na muñwe henefha. Vho vheana zwanda nga tshavho.

Mbeu ya Vhukololo yo ri, “Hezwi zwiga zwi ño vha tevhelela vhane vha tenda. Arali vha vheya zwanda kha vhalwadze, vha ño fhola.” Huno Uyo O itaho pfulufhedziso u hone zwino, a tshi khou Disumbeza uri U fhamo. Kheyo Mbeu yo vheana zwanda. “Hezwi zwiga zwi ño vha tevhela vhane vha tenda.” Ngavhe Muya Mukhethwa u tshi tshimbila nga kha tshanda tshiñwe na tshiñwe, na kha mbilu dza vhathe, na kha mivhili, huno u fhodze muñwe na muñwe a re kha Vhuhone Vhukhethwa. Zwi tendele, Murena.

Ndi kaidza diabolo. Ndi kaidza u sa tenda. Ndi kaidza maya muñwe na muñwe u songo kunaho. Ndi kaidza mudzia u ñiitisa muñwe na muñwe. Ndi kaidza tshiñwe na tshiñwe tsho fhambanaho na Ipfi la Mudzimu. Huno Muya Mukhethwa a dzhie fhethu Hawe kha mbilu dza vhathe, zwino, nga kha lutendo. Ngavhe vhulwadze vhuñwe na vhuñwe na mabiso, na mathupho zwi tshi tutshela vhathe, nga Dzina la Yesu Kristo. Amen.

<sup>140</sup> Zwino, Mbeu ya Abrahamu, ni bva kha lutsinga lwa vhukololo, ni wa pfulufhedziso, nga tshilidzi na thuso ya Mudzimu, ndi vhangana vha vhoimwi vho imisaho tshanda tshañu, na ri, “Ndo tanganedza zwe nda humbelu.” Ndi a livhuwa. Ndi zwenezwo. Ndi zwine pfulufhedziso ya vha yazwo. Ndi zwine pfulufhedziso yo netshelwa zwone, uri ni vhe mulaifa wa zwithu zweþhe, nga kha Yesu Kristo ane a ni tshidza. O ni tshidza kha tshivhi. O ni tshidza kha malwadze. O ni tshidza kha lufu. O ni tshidza kha hele. O ni tshidza kha vhiða.

<sup>141</sup> Ni ri, “Mukomana Branham, fhedzi roþhe ri ya kha vhiða.” Fhedzi vhiða li nga si ri fare. O ya khaþo, nalo, fhedzi lo vha li nga si kone u Mu fara. Zwa vhukuma. Li nga si Mu fare.

<sup>142</sup> “Zwo ralo, Mukomana Branham, ndi lingeya nga maanda.” O vha o ralo, nae-vho. Fhedzi O ni tshidza kha milingo.

<sup>143</sup> “U songo ri isa milingoni, fhedzi uri phuluse vhuvhini.” Ni a vhona, O zwi ita. Ndi zwanu zweþhe. Tshiñwe a tshiñwe ndi tshañu, nga kha Yesu Kristo. U ni neya tshiñwe na tshiñwe, nga mahala. A hu na mbadelo khazwo, kana tshithu. Ndi yanu zwino. Naa a ni ngo takala ngayo? [Tshivhidzo tshi ri, “Amen.”—Mudz.] Naa a no ngo takala nga nt̄hani Hawe? [“Amen.”] Ndivhuwo kha Mudzimu.

<sup>144</sup> Zwino, hu ño vha na tshumelo, hezwi, madekwana a ñamusi. Ee. Ndi madekwana a ñamusi, nga hafu u bva kha ya sumbe

madekwana a ñamusi. Ndi ðo ri vhafunzi vha ni vhudze. Idani. Idani.

Zwino, Swondaha i tevhelaho nga matsheloni, Murena wavhudzi a tshi funa, ndi ðo vhuva murahu u rabelela vhalwadze, kha thâberenakele, kana huñwe na huñwe.



*U THUBA KHORO DZA SWINA* TSV59-1108  
(Possessing The Enemy's Gates)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Lara 8, 1959, Thaberenakeṇi ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)